


1947



Handwritten text or markings at the bottom of the page, appearing as dark, irregular shapes on the cracked paper.



مطفي محمد

الأبي

الناشر  
دار النهضة العربية  
٣٢ شارع عبد الخالق تروت - القاهرة



## التبصر

ليل . . . . . خارجي . . . . . شارع الازهر الكاميرا تنتقل في لقطات  
سريعة من مكان الى مكان في الشارع القديم .

- دكان روبايكيا ومساومة على بالطو كهنة .  
- دكان سجاد وعلى بابه رفاء يرفو ويرقع السجاجيد .  
- وكالة الغوري وبواباتها ومشربياتها الاثرية .  
- مبنى الازهر . . . الحسين . . . مقهى الفيشاوى .  
- أزقة ضيقة مبلطة . . دكاكين الكتب الصفراء . . باعة  
المساح والمصاحف .

- مكتبة الصناديقية . . عبد المقصود المهدي في الداخل واقف  
بين صفوف من الكتب الصفراء التي يغطيها التراب . . وهو الآخر  
رجل كالح يغطيه التراب .

لقطة قريبة لعبد المقصود المهدي . . عيناه جاحظتان . . شعر  
لحيته ينمو في غير نظام . . في سحنه شرود مستمر . . ثيابه  
رثة .

لقطة متوسطة للمكتبة . . زحام الزبائن من طلاب الكتب وتلامذة  
الازهر . ودرأويش الحسين

أيدى تمتد . . حوار سريع .



عبد المقصود يشيخ بيده :

- صوت آخر :
- صوت ثالث :
- زبون رابع :
- زبون خامس :
- عبد المقصود

لقطة لعبد المقصود وهو يتناول كتابا من على الرف . . . ينفض ما عليه من تراب . . . ويققرأ الغلاف البالى

- زبون آخر :
- زبون آخر :

- عبد المقصود :
- زبون ثالث :
- زبون رابع :
- زبون خامس :

يظهر درويش مجذوب بثوبه المرقع في الكادر ويضرب الزبون بمقرعة

- صوت زبون يهمس :
- صوت آخر :
- صوت ثالث :

- عندك كتاب تذكرة داود
- لا يا سيدى ما عندناش . .
- خلص من زمان
- التفعليلات والقوافى
- بردة المديح
- دلائل الخيرات
- الالهامات الربانية
- واحد واحد ياسيادنا . .
- ما خلق الله لرجل من قلوبين
- في جوف . . الدنيا اتبنت في
- ست أيام .

- الالهامات الربانية في الوعظ
- والخطب المنبرية . . اتفضل
- ١٥ قرش بس
- قراءة الطالع والكف
- شوف لى كتاب « فتح
- المندل »
- طالبينه ولسه ماجاش
- التلبيس فى مكائد ابليس
- تحضير الارواح
- كيف تتحدث مع الموتى

- انا عاوز كتاب سحر الكهان
- فى تحضير الجان
- تسخير الشياطين فى وصال
- العاشقين
- الكلمات السرية فى مناجاة
- الارواح السفلية

زبون رابع :

- زبون خامس :
- زبون سادس :

ايدى تتخاطف الكتب

الكاميرا على عبد المقصود وهو يقوم بتشطيب العمل فى الدكان وهو يغلق الدكان . . تبدأ التيترات مع لحظة نزول الباب الصاج ونرى اول تيتير . .

كلمة « الافيون » تنزل على الباب المغلق

عبد المقصود عائد الى بيته فى الظلام . . تتعاقب التيترات عبد المقصود يخرج من زقاق الى زقاق الى بيته

يصعد السلم  
زينب تفتح له الباب  
وزينب امرأة بلدى طرية لها  
مشية بلدى وزواق بلدى وفستان  
بلدى مقمط من الخطف

التيترات تنزل طول الوقت  
عبد المقصود يدخل غرفته  
مهموما . . شاردا . . لا يتكلم  
يغلق خلفه باب غرفته

- السحر الحلال فى فك
- الاعمال
- التنجيم
- الطلاسم والاحجية



فتحى الابن يخرج من غرفة اخرى في حالة عصبية .. يمشى  
ذهابا وجيئة امام الباب المغلق الذى اغلقه عبد المقصود وراه  
بالترباس .

يلتقط كتابا ملقى على المائدة .. ينظر في عنوانه .. يبدو عليه  
الفيظ .. الكاميرا على غلاف الكتاب ( بلوغ الأرب في تحويل المعادن  
الخشيسة الى ذهب )

يمزق الكتاب

نظرة احتجاج من زينب

حوار صامت بين الاثنين لا نسمعه .....

فتحى يشد أمه من يدها ويضع رأسها على ثقب الباب

ينظر الى جوار أمه من ثقب الباب

ومع العيون الاربعة المتطلعة ... تدخل الكاميرا من ثقب الباب

لتتطلع هي الاخرى ...

ويبدأ الفيلم

\* \* \*

داخلى ... ليل ... فى غرفة  
عبد المقصود

عبد المقصود رائع امام مبخرة  
يتصاعد منها البخور .. وهو  
يتلو تعزيمه على بوتقة يغليها فى  
النار

لقطة قريبة لوجهه يلمع بالعرق  
من وراء سحب البخور وعيناه  
تبرقان وهو يتلو

يضع فى البوتقة عشر قممحات  
من التوتيا الحمراء ومثل وزنها  
من الرصاص .. ثم يضيف الى  
الزيج مقدار ثلاث قممحات من  
العفص الاخضر كما فى كتاب  
« بلوغ الارب فى تحويل المعادن  
الخشيسة الى ذهب » الكتاب

اللهم يا جامع الشتات ويا مفرج  
الكربات ويا محيي العظام الرفات  
اللهم يا واهب الكرامات ..

ومنزل الآيات البينات  
اللهم اسألك بآياتك ان تجود  
على بقضاء حاجتى .. وتجعل  
ليلى الداغى نهارا جهارا ..  
وتنفخ لى فى هذا التراب ذهباً  
نضارا

اللهم بحق اسمائك  
بحق كلماتك .. كهيعص ..  
كهيعنصاد  
كهيعنصاد .. الاضداد تخرج  
من الاضداد .. من النار الرماد  
ومن الرماد خلق العباد ..  
فلتكن مشيئتك بأن يكون ذلك  
الرماد ذهباً بأذنك ..  
يا واحد .. يا أحد .. يا صمد  
.. يا كريم .. جواد كهيعنصاد



مفتوح على الصفحة المذكورة الى  
جواره .. الكاميرا على عنوان  
اعلى الصفحة ...

« تحويل الرصاص الى ذهب  
وبعد كل تقليبة للمزيج نراه  
يشهق بصوت مبجوح  
ويطل في داخل البوتقة :

ينتظر لحظات  
العرق يقطر من جبهته  
يطل في داخل البوتقة من  
جذبه

يخرجها من المجرمة .. ينش  
فيها  
تتراخى ملامحه في خيبة أمل  
لا حد لها

يدفن رأسه بين كفيه  
صوته وهو يحدث نفسه :

بتهاك على الارض وينسحق  
في يأس كامل مغمما ..

الكاميرا تنتقل الى فتحى وهو  
واضع عينه على ثقب الباب في  
الخارج

نراه يرفع عينه في ثورة ويتحول  
ليفتح الباب

— كريم .. جواد .. كهيعنصاد  
.. ال م راء طسين ميم  
— حاميم .. ق

— نجاسة قلبك يا عبد المقصود

وعدم خلوص نيتك هي  
السبب ... مثلك يتحول في  
يديه الذهب الى تراب ..  
ولكن لا يمكن أن يجرى على  
يديه خير ..

— « ما فيكش خير يا عبد المقصود »

زينب تقفز لتحول بينه وبين  
غرضه

فتحى في ثورة

زينب في جزع وصوت مكتوم

تقبل يديه في ضراعة

الابن وقد اسقط في يده يروح  
ويجيب في الغرفة

فتحى

زينب

صوت جرس الباب الخارجى

— شايغه .. انا لا يمكن اسمح  
بالكلام الفارغ ده

— لو فتحت عليه الباب دلوقت  
يتجنن .. ده بيحضر اسياد  
.. اعمل معروف ماتعملناش  
مصيبه .. الراجل اتشل في  
عملة زى دى من شهر ..  
وانت عارف .. ابوس  
ايديك

— ده حال لا يمكن السكوت  
عليه

— ربنا يهديه .. احنا حيلتنا  
ايه .. ياما كلمته .. وياما  
حاولت معاه .. ياما حاولت  
اصرفه عن السكة دى وهو  
اللى في دماغه في دماغه ..

— واحنا حا نسيبه لدماغه

— أبوك غلبان يابنى

— هي حلقة الدراويش  
والمجاذيب اللى اتلم عليها ..  
والكتب الصفراء اللى غرقان  
فيها ليل نهار ( في غيظ )  
ياما نفسى احرق المكتبة دى  
واحرق كل المكتبات اللى زيها  
في مصر واستريح

— ده احنا بناكل منها اللقمة  
يا بنى

— الجوع احسن



تذهب زينب لتفتح  
الداخل يدخل معه بجـ  
مختلف

نحن امام شاب بقميص حرير  
مشجر وبنطلون وسيجارة على  
جانب فعه وسلسلة ذهب فيها  
مفاتيح العربية يلوح بها .. هو  
ابراهيم المهدي اخو عبد المقصود  
المهدي .. يدخل خفيفا كسهم  
بنظرة سريعة من عينيه يلمح  
طبق بطاظة على المائدة يمد يده  
فيأخذ واحدة ياكلها

يدخل فتحى غرفته ويترك امه  
مع عمه وحدهما في الصالة  
ابراهيم يختلس نظرة الى صدر  
زينب الذى يكظ من الفستان

تضحك زينب

يقرصها في ذراعها .. تجفل  
وهي تصرخ في خفوت  
صوت باب دورة المياه يصفق  
في الداخل وخطوات عبد المقصود  
ويده تفتح التربينس وتوارب الباب

الكاميرا على عبد المقصود  
خارجا ..

ازيك يا زينب ازيك يا فتوح

الله حلوه اوى البطاظة دى ..  
امال فين اخويا عبد المقصود

ايه ده يا مرات اخويا ..  
انتى مش حا تبطلى سمنة  
بقى .. عينى عليكى باردة ..  
انتى مش حا تبطلى تاكلى  
مفتقة

يا خويا مفتقة ايه .. دة  
حتى عاملة ريجيم  
كل ده وعاملة ريجيم  
ياحوستى .. ايه اللى بتعمله  
يا سى ابراهيم

مين اللى جه يا زينب

زينب تجاوب  
يبدو وجهه متغيرا .. ولا يبدو  
فيه ترحيب ..

تختفى زينب بالداخل بينما  
ابراهيم يسرع اليه هاشا باشا

عبد المقصود

ابراهيم  
عبد المقصود

ابراهيم

عبد المقصود

ابراهيم

عبد المقصود

ابراهيم

عبد المقصود

ده ابراهيم اخوك

اهلا ابو المقاصد .. انت  
فينك يا اخى .. مش باين  
ليه

يعنى حبان اكثر من كده ..  
ما انا مرمى كل يوم فى المكتبة  
من الصبح للعشا

مش بشوفك يعنى  
وحاتشوفنى ازاي .. ايه

اللى حايجيبك عندى .. وايه  
اللى حا يزقك تخش بعريبتك  
المرسيدس فى الحارة اللى زى  
شق التعبان دى .. مش قد  
المقام طبعاً .

ايه الكلام الفارغ اللى بتقوله  
ده .. ده احنا اخوات  
يا اخى

الحمد لله اللى عرفت ان احنا  
اخوات ( يقبل يده ظهره  
لبطن ) احمدك يا رب على  
نعمتك

ايه ده انت شاكك ان احنا  
اخوات والا ايه

الاخوة مش كلام يا ابراهيم  
.. انت عاوز الحق .. احنا  
عمرنا ما كنا اخوات

انت بتقول ايه يا عبد  
المقصود

اللى يعيش بالحرام ..  
وياكل من الحرام .. مايقاش



ابراهيم

اخويا وانت عارف انا قصدي  
 ايه يا ابراهيم  
 حرام ايه وحلال ايه ياراجل  
 .. هو ده وقت الناس تتكلم  
 فيه عن حلال وحرام ..  
 الدنيا تغيرت يا عبد المقصود  
 .. بص حواليك .. قول لى  
 مين عايش بالحلال .. انت  
 .. عملت ايه بالحلال بتاعك  
 هي دي عيشة اللي انت  
 عايشها .

عبد المقصود  
ابراهيم

الحمد لله على رضاه  
 — والله يا اخي ان كان ربنا  
 يعلن عن رضاه بالطريقة دي  
 .. يبقى مالوش لازمة الرضا  
 ده

عبد المقصود

اعوذ بالله .. اعوذ بالله ..  
 اللهم انى استغفرك واتوب  
 اليك يا رب

ابراهيم  
عبد المقصود

تتوب عن ايه بس  
 — اتوب عن سماع الرجس اللي  
 بتقوله

ابراهيم

— ويعنى لما يبقى ولادك مش  
 لاقيين ياكلوا .. ما يقاش  
 رجس ..

( الكاميرا تتجول بين قلة وكسرة  
 خبز في طبق وستارة ممزقة  
 وكرسى رجليه مكسورة )  
 ابراهيم

عبد المقصود

— هي الحياة في النعمة حرام  
 .. اللقمة النضيفة عندك

حرام

— ما هي مش لقمة نضيفة  
 يا ابراهيم

( الكاميرا على القميص المشجر  
 والسلسلة الذهب )

ابراهيم

عبد المقصود

ابراهيم

عبد المقصود

ابراهيم

ابراهيم

يمسك بجلبابه المقطوع ويقبله  
 وهو يغمغم  
 ابراهيم

وهو يغمغم

ابراهيم

عبد المقصود

ابراهيم

عبد المقصود

ابراهيم

انت عارف انها مش لقمة  
 نضيفة .. انت عارف ان  
 العيشة اللي عايشها مش  
 نضيفة

— مين اللي يقول كده

— ربنا هو اللي يقول كده

— أبدا ربنا راضى عنى وبيسهلها

لى وآدى انت شايف

— الله يمهل ولا يمهل

— الشاهد ان ربنا يمهل شأنك

— انت يا شيخ عبد المقصود ..

— شايف جلايتك مقطعة

ازاي

— كده برضه الحمد لله

— الحمد لله على نعمته

— بقى ربنا مش ح يهديك يا شيخ

عبد المقصود وتسبب

الدروشة دي .

— مش ح تفوق لنفسك وتشتغل

معايا وتسببك من أمور

الجنان دي

— اشتغل معاك .. حد الله بينى

وما بينك .. حد الله بينى

وما بينك

— يعنى ح يجيئك ايه من

الشبشبية اللي انت غرقان

فيها ليل ونهار

— حد الله بينى وما ما بينك ..

— حد الله ما بينى وما بينك

— عملت ايه بالاذكار والاوراد

— اللي بتقرأها كل ليلة من

عشرين سنة



عبد المقصود

ابراهيم  
عبد المقصود

( زينب قادمة من غرفة  
داخلية )  
ابراهيم ( ضاحكا )

عبد المقصود

ابراهيم  
( خارجا مع زينب )  
في طريق الخروج

نرى ابراهيم يميل على زينب  
عند الباب يوشوشها لا نسمع  
ما يقوله لها ...

زينب تخرج لتضيء له نور  
السلم

نسمع زينب تصرخ في خفوت

— حد الله بيني وما بينك . .  
اتوكل يا سيدي لحال  
سبيلك . . . مش عاوز منك  
لا طيب ولا ردي  
— انا عاوز اساعدك  
— كتر خيرك يا سيدي . .  
المساعد هو الله . . اتوكل  
لحالك وسيبني لحالي . .  
خديه يا زينب وريه طريق  
السلامة . . روح الله  
لا يضيعك روح . .

— الله . . انت بتكـرشني  
يا عبد المقصود والا ايه . .  
شايفه جوزك يا زينب  
— لا ابدأ دنا بودعك . . ربنا  
معاك . . ربنا يقويك ويقويننا  
. . سلم لنا ع المرسيدس  
— الله يسلمك

— عشان تعرف قد ايه انا مؤمن  
. . انا علقنت في العربية مصحف  
— الله يقويك

— يا حوستي . . يا مصيبتتي . .  
أخص عليك ياسي ابراهيم . .  
يا دي العيبة . .

لا نعرف في أي مكان قرصها  
هذه المرة  
تدخل زينب مرتبكة  
تستقبلها نظرة عبد المقصود  
النافذة ( لقطه مقربة لوجهه  
ونظراته المرتابة ) ولكنه لا يقول  
شيئا ويكتفي بان يكتب النار في  
قلبه

نرى فتحي خارجا من غرفته  
ليبادره ابوه :

فتحي  
عبد المقصود  
فتحي  
عبد المقصود

فتحي  
عبد المقصود

يضحك عبد المقصود ضحكة  
عصبية ولا يبدو على وجهه انه  
نهم شيئا ويكرر الكلمة كأنما  
يحدث بها نفسه

يضحك  
يقترب من ابنه حتى يتواجهان  
ويسأله ناظرا الى عينيه

فتحي  
عبد المقصود يضحك

زينب  
فتحي

— كنت فين . . ليه ما جيتش  
تقعد مع عمك  
— مش بحب اقعد معاه .  
— ليه مش كافر زيك . .  
— هو كفر بكل شيء  
— بتسموه ايه عندكم في  
الصحافة بتاعتكم  
— اسمه عندنا البورجوازي  
..... البورجوازي  
— وبروح عندكم الجنة ولا النار  
البورجوازي ده  
— بروح السجن  
— الحمد لله اتفقنا في حاجة . .  
— وانا حا تودوني فين  
— حا نوديك مستشفى  
— سامعة ابنك يا زينب عاوز  
يودي ابوه المستشفى  
— مستشفى ايه  
— المجاذيب طبعا



ذوبان تدريجي على كلمة  
المجاذيب وانتقال الصورة الى  
مولد الحسين ولقطة لدرويش  
مجدوب في عباءة مرقعة يضرب  
بمقرعته يمينا ويسارا ليفسح  
لنفسه طريقا في زحام المولد ثم  
يميل على امرأة بجواره ويدس في  
يدها لفة صغيرة

نسمع مقاطع حوار وكلمات  
تأتي من كل مكان

- بالشفا يا ست بالشفا . . .
- أتبخري بيه ثلاث مرات  
والتكال على الله
- حى . . . ستار . . . ستار
- الحمد لله ونعم بالله والملك  
الله
- بعودة الايام يا اخواننا
- حسنة لله يا مسلمين لاجل  
خاطر الحسين
- سبحانه يمهل العاص حتى  
يتوب فاذا تاب واصلح غفر  
له ما تقدم من ذنبه وما تأخر
- حلیم . . . غفار
- اللهم انى تبت ورجعت اليك  
يارب .
- عقبال زيارة النبى . . . عقبال  
جمعتنا عند الرسول
- مصاحف . . . تعاويد . . .
- احجية . . . سبح . . .
- صلوا على طه الهادى
- نواب رحيم قديم قدوس . . .
- حى لا يموت
- الله . . . الله . . . الله . . . الله . . .
- الله . . .

نسمع هذه الكلمات مرشوشة  
على خلفية من ضجيج الزحام  
وصلصلة صاجات باعنة  
العرقسوس . . . ونداءات باعة  
الكثرى والمبار . . . وكبابجى  
الرصيف الذى يصيح من حين  
لاخر

الكاميرا تنتقل بنا حتى نصل  
الى مكتبة الصنادقية  
لقطة متوسطة . . . عبد المقصود  
جالس يرشف الشاي ويمضغ  
شيئا من ورقة مفضضة ملفوفة  
لقطة مقربة نرى منها انه مخدر  
. . . مسطول . . . يحدث نفسه

وجه زبون يدخل الكادر  
عبد المقصود  
الزبون  
عبد المقصود  
يعود الى الحديث مع نفسه  
وجوه زبائن تدخل الكادر

- . . . كبد . . . كبد . . .
- عرقسوس خمير . . . شفا  
القلب الخمير . . .
- العالم ما بقاش فيه بركة  
كل حاجة بيغشوها  
حتى الشيخ معروف العطار  
بيغش في التحويجة  
كنت زمان آخذ التحويجة  
تشعشع مزاجى  
دلوقت آخدها ابقى زى شوال  
الجبس ويتقل لسانى وتورم  
دماغى زى قالب الطوب  
لا حول الله ما بقاش فيه  
ذمة
- عندك كتاب ابن بطوطة
- لا ياسيدى ما عندناش
- القاه فين وحياتك
- يمكن تلقاه فى مكتبة المنشاوى  
جارنا
- العالم ما بقاش فيه بركة  
الناس ضلت
- انا عاوز الفية ابن مالك
- ادينى كتاب السيرة العطرة



— وحياتك عاوز كتاب « نور  
 الابصار في مناقب آل بيت  
 النبي المختار »  
 — المصحف المفسر  
 — المنقذ من الضلال  
 — صبركو بالله .. اناحاكلم مين  
 والا مين

— العالم جرى فيه ايه  
 كل واحد كان راكبه جن ..  
 عاوز طلبه يحضر في ساعتها  
 كل الناس بتجرى ..  
 بتجرى ..  
 وانا مش قادر اشيل ذراعى

— يا محمد — يا محمد .. هات  
 لى فنجان قهوة قوام ..  
 وخلي عم شـلبى يتوصى  
 بالتلقيمة .. قول له لعبد  
 المقصود .. قوام يا اخويا  
 والنبي  
 — سلام عليكم يا شيخ عبد  
 المقصود

— اهلا .. شيخ يحيى .. انت  
 فين .. دنا عاوزك ..

— انا جيت لك كتاب تفسير  
 الاحلام اللى بتدور عليه  
 — اقعد .. اقعد .. ( ياخذ  
 منه الكتاب ) كتر خيرك ..  
 اتفضل .. قهوة مضبوط  
 يا ولد للشيخ يحيى  
 ده احنا زارنا النبي

عبد المقصود يتحامل على  
 نفسه  
 ينتقل بين الارقف ويلتقط  
 الكتب  
 ما زال يحدث نفسه

يوزع الكتب على اصحابها  
 ويزعق على صبي المقهى القريب

يدخل الكادر وجسه مشرق  
 نورانى له لحية  
 عبد المقصود كانما جاءته نجده  
 يفتح ذراعية ليرحب بالشيخ الذى  
 يلبس بدلة بيضاء انيقة

يدخل فتحى ابن عبد المقصود  
 اللى يقدم الضيف

يحيى

عبد المقصود

يحيى

الشيخ يحيى

عبد المقصود

يحيى

ياخذ الكتاب الانجليزى الذى  
 يحمله فتحى ويقرا غلافه  
 يحيى

— ابنى فتحى ..  
 — الشيخ يحيى مدير الكتبخانة  
 .. رجل فاضل استاذالجيل  
 كله

— ابنك هو فتحى المهدي اللى  
 بيكتب فى الصحف

— ابوه يا سيدى هو اللى بيكتب  
 الكلام الفارغ

— ده بنتى بتقبراً لك ومعجبة  
 بيك .. فرصة كويسة اللى  
 شفتك ..

— ياريت تزورنا فى المكتب او فى  
 البيت .. نتعرف عليك  
 اكثر .. ده ابوك صديق  
 عزيز .. كان زميل دراسة  
 .. انا وهو كنا بنقعد على  
 تخته واحدة

— كنا زملا فى ابتدائى .. لكن  
 انا ماكملتش وقعدت فى الدكان  
 والشيخ يحيى استمر ..  
 ودخل الثانوى .. والجامعة  
 وراح السوربون جاب شهادة  
 من هناك .. من فرنسا ..  
 من اوروبا بتاعتك اللى خاوتنا  
 بيها .. من بلاد الخواجات ..  
 اصله ما يحترم مش حد الا اذا  
 كان جاي من بلاد الخواجات  
 — لازم بيقرأ كثير .. ورينى  
 الكتاب اللى معاك

— الديقكتيك .. ده ابنك مطلع  
 أهوه وبيقرا فلسفة كمان



عبد المقصود

مطلع مين . . ده واد رد  
سجون مش نافع . . آهو  
ماعدوش غير كتب الكفر  
دى . . رايح جاى بيها ليل  
ونهار . . اقول له يا واد  
افتح لك كتاب فى العلم  
علم من اللى فى مكتبتك . .  
مش كده . . زى تذكرة داود  
وسحر الكهان فى تحضير  
الجان

فتحى

اخرس . . جان لما يلهفك . .  
انت تفهم فى الحاجات دى

عبد المقصود

الشيخ يحيى يضحك ويقهقه  
فتحى

وتسخير الشياطين فى وصال  
العاشقين

عبد المقصود

والله ما شيطان غيرك . . قوم  
بيننا يا شيخ يحيى من مجلس  
الابالسة ده . . النهارده  
الليلة الكبيرة فى مولد الحسين  
وموش عاوزين نضيعها فى  
الكلام الفارغ . . خليك انت  
يا فتحى شوف شغل الدكان  
. . وخذ المفاتيح ابقى اقفل  
اخر الليل وروح  
( يعطيه المفاتيح )

الكاميرا على عبد المقصود وهو  
يتأبط ذراع الشيخ يحيى  
خارجا  
الشيخ يحيى يلتفت الى فتحى  
مسلم  
الشيخ يحيى

احناح نتقابل تانى ده وعد . .  
ما تخافش حانتكلم فى  
الديالكتيك اللى بتجبه مش

حانتكلم فى الجن . . انا  
حانتظرك . .  
باذن الله

يستدير الشيخ يحيى خارجا  
وفى ذراعه عبد المقصود  
لقطة طويلة للاتنين وهم  
بضيعان فى الزحام  
لقطة متوسطة لفتحى فى  
الدكان

لقطة مقربة لوجه فتحى وهو  
يشعر بالاشمئزاز من المهمة التى  
كلف بها

وجه زبون فى الكادر  
فتحى يرد بدون تفكير

عندك تفسير الطبرى

وجه طالب ازهرى يلبس عمة  
وكاكولة  
فتحى  
الازهرى

ما عنديش  
عندك الكهف والرقيم فى تفسير  
بسم الله الرحمن الرحيم  
ايه يا سيدى  
الكهف والرقيم فى تفسير  
بسم الله الرحمن الرحيم  
لسيدى عبد القادر الجيلانى  
ما سمعناش عليه

فتحى  
يتعجب الطالب الازهرى للرد  
ويمضى لحال سبيله  
زبائن آخرون

المصحف المفهرس  
مش موجود  
طبقات الشعرانى  
خلص  
سير الاولياء  
ما جاش  
الموطأ لابن مالك  
بعناه  
نهج البردة

فتحى يردهم جميعا فى احتقار  
دون أن يكلف نفسه نظرة واحدة  
الى الرفوف



— مفيش منه  
— رياض السالكين  
— خلاص يا سيدى شطبنا

نراه يقوم في غيظ ليقول للزبون  
وهو يعلق الباب  
يلقى نظرة احتقار على صفوف  
الكتب الصفراء قبل ان تغيب عن  
بصره وراء الباب المغلق نراه يشعل  
سيجارة ثم يمضى الى زحام المولد  
دقات دفوف .. مع ايقاع  
ذكر ..  
صوت المنشيد يعلو وسط  
ضجيج المولد

الرجل على باب الجامع يقول  
بصوته النحاسي

فتحى امام باب الجامع  
يتردد لحظة ثم يخطو نحو  
الميدان

عنتر مقيد بسلسلة من الحديد  
وسط سامر من العيال في الميدان  
يحاول ان يفك قيوده الحديد بين  
تهليل السامر  
عنتر ( يخبط على صدره  
العارى )

احسن م السرقة والنشل  
وفعل الحرام .. بقدرة القادر  
يلين الحديد زى مالان لداود  
حكاية ما تنفesh فيها البهوية  
ولا البشوية ولا اكل المهلبية  
ما تنفesh فيها الا اللقمة الحلال

وقولة لا اله الا الله  
( يصرخ بصوته الجهورى  
المدوى ) وحدوه  
وحده  
وحده  
وحده ..

في حركة واحدة يفك السلسلة  
الحديدية بين تصفيق العيال  
يقف مزهوا وبقع الدم تغطى  
صدره العارى

وجه فتحى يدس بين وجوه  
العيال  
فتحى يخوض الزحام

درويش يضربه على راسه  
بمقرعة  
نلاحظ ان الدرويش يلبس ثيابا  
نظيفة بيضاء وله لحية مهيبة

فتحى يتوقف ليمسك  
بالدرويش ويهزه بشدة  
الدرويش

فتحى  
الدرويش  
فتحى

الدرويش  
فتحى

الدرويش

فتحى

— ما هي كلها مودة يا عبدالصمد  
.. حاتموت .. حاتموت ..  
تبقى تموت على الطيب  
احسن بدل ما تموت ع الكفر  
.. ما دام مفيش فائدة  
— لا فيه فائدة يا شيخ يا عبيط  
.. فيه فائدة  
— ورنى الفائدة يا عبد الصمد  
— حاوريك الفائدة  
— ابوس ايديك ورنى  
— حاجيب لك بدلة يا شخب  
يا عبيط  
حالبسك .. حانضفك  
— ياخى نصف ذمتك الاول  
— حادخل النور والمية في  
بيتكم  
— مش تدخل النور في قلبى  
الاول  
— بذمتك عندك نور وميه في  
بيتكم يا شيخ يا عبيط



الدرويش

— ماليش بيت عبد الصمد . .  
انا بيتى على باب الله . . . .  
انا بيتى قلبى .

فتحى

— وعاوز كل الناس يبقوا  
متشردين زيك يا شيخ يا عبيط  
— ما يقدروش يا عبد الصمد

الدرويش

فتحى يهزه فى غيظ

— انت رجل مجنون . . راجل  
لازم تتحط فى مستشفى  
المجازيب هناك حايدخلوا فى  
عقلك نور وميه ومجارى  
يا راجل يا مجنون انا لازم  
أوديك الخانكة .

الدرويش يضحك

— ما احنا فى الخانكة يا عبد  
الصمد

هى دى كلها مش خانكة  
السيجارة اللى فى بقك دى  
مش خانكة

فيه عاقل يشرب السم يا عبد  
الصمد

واللى يشرب السبرتو يا عبد  
الصمد

واللى يلعب القمار يا عبد  
الصمد

واللى بيبيع ابوه لغاية التربة  
ويرجع يقتل على الميراث وهو  
بعد يومين حايرقد جنبه  
يا عبد الصمد

واللى بيحوش مليون جنيه  
حا يصرفهم امتى . . وفين . .  
حا يصرفهم امتى وفين . .

والنبي .  
حا ياكل عشرين طقة فى اليوم  
والا حا يلبس عشر بدل فوق

فتحى

الدرويش

فتحى

الدرويش

فتحى

الدرويش

فتحى

الدرويش

الدرويش يوشوشه فى اذنه  
كانما يلقي اليه بسر خطير  
فتحى

بعض واللى يسرق اخوه  
يا عبد الصمد

اللى يسرق من جيبه الشمال  
ويحط فى جيبه اليمين . .  
وكل جيب مخروق وموصل  
على الارافة

والاخر حايرقد الفقير جنب  
الامير فى حفرة واحدة وكله  
يبقى سوى الارض . . ووظ  
فيك الله يخليك . . دى خانكة  
والنبي يا عم . . خانكة كبيرة  
اوى . . اوى . .

— تستحق قرش على الكلمنين  
دول يا شيخ يا عبيط

— قرش . . امسح بيه قفاك  
القرش ده . . انا ما خدش

من الشحاتين اللى زيك  
— امال تاخد من مين

— ( مشيرا الى السماء ) منه . .  
من الغنى

— هو فاتح بنك  
— اكبر بنك . . ما يقفلش ابدا

. . ومدينى دفتر شيكات  
اصرف بيه وزى ما انا عاوز  
كمان .

— دفتر شيكات كمان  
— امال

— دفتر الشيكات هو كلمة لا اله  
الا الله

— طيب ما تصرف لنا كام مليون  
جنيه من الدفتر ده نجيب

بيهم طيارات ميسج ونحارب  
اسرائيل . . ويبقى كتر



الدرويش

خيرك  
ما هو لما قلنا لا اله الا الله  
بقلب عدينا ..

لما قلنا الله اكبر بايمان وشجاعة  
عدينا .. لما قلنا يارب  
باخلاص اتفتحت لنا كنوز  
البتروول واندلقت علينا  
الملايين .. يا عبد الصمد ..  
شغل مخك يا عبد الصمد  
انتو خليتو عندنا مخ عشان  
نشغله

فتحى

الدرويش

طيب شغل قلبك يا عبد  
الصمد

فتحى

ما هو الكلام ده هو اللي  
فاقدنا يا راجل يا مخبول ..  
( ثائرا ) ما فيش حد فقدنا  
غير الدروشة دي .. ( يهجم  
عليه ) لو أمثالك يسكتوا  
حا نتقدم .. ( يخنقه ) لو  
امثالك يسكتوا حا نتقدم

الدرويش

عاوز تعمل في ايه .. عاوز  
تموت راجل ميت .. ماتسبب  
الحكاية دي لعزرائيل ..  
انت مالك .. تشيل ذنوب  
ليه .. لا اله الا الله

يتجمع الناس حول الخناقة  
.. يصرخ فيهم الدرويش

كل واحد يروح لحال سبيله  
.. واقفين كده ليه ياخواننا  
.. عمركو ما شفتوا اتنين  
بيهزروا مع بعض .. لا حول  
ولا قوة الا بالله هو هزار  
الاحبة حرام .

يضرب فيهم بمقرعته يمينا  
وشمالا

يضحكون

ولا يسع فتحى الا ان يضحك  
هو الاخر في غيظ على هذا  
الدرويش الغريب الاحوال  
يختفى الدرويش في الزحام  
ونسلم صوته من حيث لا نراه  
يتلفت باحثا عن الرجل ولكنه  
لا يجده

يمضى بين كتل الناس  
يجلس على مقهى على الرصيف  
.. المقهى مكس بالموالدية  
عند قدميه قفف واقفاص  
وسلال وفلاحون من الريف ..  
أحدهم يرفع يديه ليتلو

احد الفلاحين

شيخ ضرب يتكلم

على مهلك يا عبد الصمد على  
مهلك لا تتكعبل

الفاتحة ياخواننا .. بسم الله  
الرحمن الرحيم الحمد لله رب  
العالمين الرحمن الرحيم مالك  
يوم الدين اياك نعبد واياك  
نستعين اهدنا صراط  
المستقيم .. صراط الذين  
انعمت عليهم غير المغضوب  
عليهم ولا الضالين .. آمين  
( آمين طويلة ممطوطة )

ان شاء الله يكون الانجال  
بخير وعافية

والله ابني الصغير دايم ربنا  
فاكره .. طول السنة دي  
كان عيان بيشكى من صداع  
مزمن مش عارفين له حل

فيه وصفة مجربة حاقولها  
لك وربنا يجعل فيها الشفا  
ياذن الله .. تفسيل راس  
انك بمية القرع كل يوم بعد  
حلقها وتسقيه شراب الرمان



شيخ آخر

ع الريق ..  
 لا .. شوف .. انت تدق  
 ورق الحرمل مع القرفة  
 والقرنفل والسنبل الهندي  
 والاطرون وتمزج الكل بالعسل  
 الاسود وتدي منه معلقة  
 صغيرة قبل النوم .  
 والله انا جريت دهان الشب  
 الابيض والملح والحنة وغسول  
 الزعفران والخـل وجاب  
 فايدة  
 والله يا جماعة كل دي اسباب  
 والشافي هو الله .. انا عندي  
 احسن حاجة هي الحجاب ..  
 مكتوب يتحط ع الدماغ  
 ويتكتب فيه باسم الله الرفيع  
 المـكان .. باسم الله الذي  
 لا يشغله شان .. نفذت  
 حجته وظهر امره وتفـرق  
 اعداؤه وشعثت انواره ..  
 باسم الله اخرج ايها الوجع  
 من راس حامل كتابي فلان  
 بنى فلان  
 ينور عليك يا شيخ علوان ..  
 والله تبقى تكتب لنا المكتوب  
 ده  
 انا خدامك

راجل ثالث

رجل رابع

فتحي

طـول الوقت يستمع الى  
 الحوار وتبدو على وجهه شتى  
 الانفعالات وهو الآن يقوم وعلى  
 شفـتيه ابتسامة .. وقلبه مثقل .  
 وجه فتحي في لقطة مكبرة بما  
 يتعاقب عليه من انفعالات في تداخل

مع خلفيات متعددة من المولد ..  
 ينتهي التداخل  
 فتحي في مقام الحسين  
 حلقة حول عمود في وسطها رجل  
 يقرأ من كتاب ..  
 الكل ينصت في اهتمام ..

قال المناوي في طبقاته من  
 سيدى ابراهيم الدسوقي انه  
 كان شيخ الطائفة البرهامية  
 صاحب المحاضرات القدسية  
 والعلوم اللدنية والاسرار  
 العرفانية .. وكان احد  
 الائمة الذين اظهر الله لهم  
 المغيبات وخرق لهم العادات  
 وكان يتكلم رضى الله عنه  
 بجميع اللغات  
 ومن كراماته رضى الله عنه  
 ( فتحي يميل ليتابع الكلام  
 وينصت هو الآخر في فضول)  
 ان تمساحا خطف صبيا  
 فآتته أمه مذعورة فأرسل  
 نقيبها فنادى بشاطيء البحر  
 .. معاشر التماسيح من ابتلع  
 صبيا فليطلع به فطلع التمساح  
 ومشى معه الى الشيخ فأمره  
 بان يلفظ الصبي فلفظه  
 حيا ..

يا سبحان الله .. يا سبحان  
 الله .. يا سبحان الله

هممة بين المستمعين ..

فتحي يضرب كفا بكف ويمسك  
 براسه وقد اوشك ان يفقد  
 عقله  
 تنزل على راسه مقرعة . .  
 ونرى الدرويش يظهر من الزحام



الدرويش

— الحق باطن .. الحق باطن ..  
ولا يأخذ بظاهر الالفاظ الا من  
عميت بصائرهم ..  
.. ما التمساح بتمساح ..  
ولا الصبى بصبى .. ما هي  
الا اشارات يا عبد الصمد ..

افهم

— اشارات ايه الله يخرب بيتك  
— معلش يا سيدى الله يعمر  
بيتك

— فيه حد يقول كلام فارغ زى  
ده

— انت بتقول كل يوم فى الجرائد  
كلام فارغ من ده كثير ..  
بتقف تتفلسف وتقول ..  
هذا عصر تكلم فيه الحديد ..

يعنى ايه .

يعنى الحديد اتكلم ؟ ..  
ابدا .. يعنى قصدك الراديو  
والتليفزيون .. هذه لفظة  
السيم .. يفهمها من عزف  
سر الحاء والميم والالف لام  
ميم .. يا بهيم ..

— دى جريمة .. ده خداع  
للناس ..

— دى جريمة هو الدين هو  
المسئول عن التخلف ..  
ولا بد من القضاء على الدين  
اذا كنا عاوزين نقضى على  
التخلف

— اللي انت بتتكلم عنه مش هو

قطع على فتحى فى غرفة مكتب  
الشيخ يحيى  
ما زال يلوح بيده

الشيخ يحيى ينظر اليه فى

ابتسامه ويرد برحابة صدر

فتحى

يحيى

فتحى

يحيى

الدين .. اللي انت بتتكلم عنه  
اسمه المولد ..  
— لكن المولد مولد مين .. واللى  
بيجرى فى المولد بيجرى باسم  
ايه ما هو كله باسم الدين  
— والبسبوات كانوا بيمتلكوا  
اقتاعات باسم الدين ..  
هل دى حجة على المسيحية  
هل كلام المجازيب حجة على  
الاسلام .. انت راجل علمى  
وبتقول انك موضوعى ..  
طيب ما تحكم به موضوعية ..  
وبلاش الجزافية دى .. لو  
شفت شيخ الجامع بيوزع  
مخدرات يبقى الحل فى نظرك  
هدم الدين والارفت شيخ  
الجامع

— الدين هو المخدرات .. الدين  
هو الافيون  
— منين يا ابنى جبت الكلام  
ده ..

الدين اول آية نزلت فيه —  
اقرا .. اول كلمة اقرا ..  
أمر صريح بالقراءة والتعليم  
وقل اعمالوا فسيرى الله عملكم  
.. امر بالعمل .. الدين  
تبعات ومسئوليات وكفاح  
وقتل والنبي صاحب الدعوة  
كان مقاتل والصحابة كانوا  
مقاتلين .. والمسلمين الاول  
ماتوا على اسنة السيوف  
ما سمعناش عن حد كان بياكل  
مخدرات .. الاسلام صحو



وانتباه وعمره ما كان غفلة  
 لكن الدين تحول  
 بفعل مين .. بفعل الاستعمار  
 . والتزيف الغربى اللى  
 انت واقع فيه .. والكتب  
 الانجليزى اللى بتقراها ..  
 يا ابنى احنا لنا اعداء كثير ..  
 عجزوا عن هدمنا ..  
 واخيرا وجدوا ان الحل هو  
 اقتلاعنا من جذورنا ..  
 تاكد ان اللى حا يسرق منك  
 دينك حنا يسرق منك بطاقة  
 شخصيتك ..  
 لكن حا توافقنى ان لا بد من  
 اصلاح شامل  
 معاك .. لكن الاصلاح هو  
 ايه .. هدم الدين .. او  
 احيائه  
 موضوع الدين ما يهمنىش ..  
 وانا غير مؤمن باله او آخره  
 او بعث ... القضية عندى  
 .. هي حياتنا .. هي الدنيا  
 اللى احنا عايشينها .. مش  
 الجنة الموعودة  
 آه .. دى مسألة اخرى ..  
 يبقى نشرب الشاي الاول ..  
 هدى بنتى رسامة فى اخبار  
 اليوم  
 بشوف لها رسوم حلوة ..  
 افكر انتى اللى كنتى رسامة  
 قصة العدد اللى فات  
 ابوه  
 عندك خطوط جديدة وجريئة  
 فعلا

فتحى  
يحى

فتحى

يحى

فتحى

يحى  
تدخل هدى بنت الشيخ يحى  
بالشاي ..

يقف فتحى مرحبا

هدى  
يحى

مرسى  
 ده يبقى اعجاب متبادل لانها  
 دايمًا تكلمنى عنك وعن  
 موضوعاتك  
 لكن ما اقدرش اقول انى  
 بوافقك على طول الخط  
 ازاي  
 يعنى انت ساعات بتنكر كل  
 شىء وتحتج على كل شىء  
 لدرجة انك ما بتسيب لناش  
 حاجة نعيش عشانها .. مش  
 ممكن تكون الحكاية كلها اكل  
 وشرب ورفع مستوى معيشة  
 ليس بالخبز وحده يحيا  
 الانسان  
 فيه دايمًا شىء ورا اللقمة ..  
 فيه قيم عليا ما يقدرش  
 الواحد ينكرها  
 لا يمكن يكون الموت نهاية ..  
 والا تبقى الحياة كلها عبث  
 ونكتة سخيفة  
 الظاهر انك مؤمنة اوى زى  
 بابا .. دانا ماليش سوق  
 معاكم ..  
 ايه بمنع من ان تكون فيه  
 ثورة اجتماعية ويكون ربنا  
 موجود  
 لا خلاص ربنا موجود ...  
 موافق .. سحبت كلامى ..  
 انتو دلوقت بتقولوا كده لعدم  
 اثاره مشاكل .. مش عاوزين  
 تفتحوا عليكم جبهة تانية  
 ماتقدروش عليها

هدى  
الاب

هدى

فتحى  
هدى

الشيخ يحى

هدى

يحى

فتحى

هدى

فتحى

الشيخ يحى يضحك



فتحي

الشيخ يحيى لهدى

— الحقيقة من زمان احنا تركنا  
 الكلام في الموضوع ده  
 — من ايام الحرب العالمية  
 الثانية .. ستالين اعاد بناء  
 الكنائس واعان احترامه  
 للشعائر المسيحية .. لما  
 لقي الفلاحين مش مستعدين  
 يموتوا في الحرب ..  
 وحايهوتوا ليه ما دام مفيش  
 بعد الموت حاجة ..  
 كل اللي عندكو للشهيد ان  
 الارض تشرب دمه ..  
 — وحا نعمل له نصب  
 تذكاري  
 — دي حاجة حاتعملوها للورثة  
 .. انما هو انتهى عندكو  
 كموضوع  
 — وايه يعنى  
 — لا دي تفرق كثير .. هنا  
 عطاء الدين اللانهائى واحترامه  
 للفرد .. الدين اعطى للفرد  
 حياة ابدية .. انما الفرد  
 عندكم وجود عابر مؤقت ..  
 مسمار فى ماكينه .. يصدى  
 يتاكل .. يترمى فى الزبالة ..  
 مفيش حتى الله يرحمه ..  
 — يمكن الحقيقة كده  
 — لا الحقيقة حاتشوفها باذن  
 الله بعد عمر طويل  
 — وممكن يشوفها دلوقتى ..  
 فى الكون الكبير المحكم النظام  
 والتدبير .. مفيش ذرة  
 بتخرج عن فلکها ولا نجمة

فتحي

يحيى

فتحي

يحيى

فتحي

هدى

الشيخ يحيى

بتشد عن مدارها .. ايه اللي  
 يخليك تتصور ان قاتل مجرم  
 سفاح حا يهرب من جزاؤه  
 حاول تبص للكون الكبير  
 حواليك

فتحي ( مبتسما )

هدى

— دي حاجة عاوزه نضارة معظمة  
 اوى  
 — ع العموم يا استاذ فتحي ..  
 بعد عمر طويل .. لو طلع  
 كلامك صحيح وكان مفيش  
 آخرة ولا بعث .. مش  
 حا نخسر حاجة .. احنا  
 وانت حانكون تراب باذن الله  
 ومافيش حد احسن من  
 حد ..

— لكن لو طلعت غلطان يا بطل  
 .. حا تفرق كثير  
 — لا .. دي حا تفرق كثير اوى  
 — جهنم وبئس المصير

فتحي ( ضاحكا )

هدى ( ضاحكة )

الكاميرا عليها فى لقطة مكبرة  
 للوجه وهى تضحك .. تبدو  
 جميلة شفافة جذابة روح طليقة  
 مرحة مجنحة

فتحي ينظر اليها وهى تضحك  
 ومضة حب فى نظرتة

فتحي

هدى ( بأصبعها محذرة )

اختفاء تدريجى للمنظر

داخلى ليل .. غرفة عبس  
 المقصود المهدي

عبد المقصود راعع امام مجمرة

— لا انا لغاية هنا وارمى سلاحى  
 .. الا جهنم دي .. دنا انا  
 ما اطيقت لحظة حر  
 — الحق نفسك



على الولد الخنيس اللي اتعلم  
 له كام كلمة في المدرسة ..  
 اتهايا له جمع علوم الاولين  
 والآخرين  
 ( ما زال يخاطب نفسه )  
 وييجي يقول لك داروين وممش  
 داروين .. والانسان اصله  
 قرد .. ودي هي العلوم  
 اللي بيتعلمها .. ما يعرفش  
 ان القرد هو اللي اصله  
 انسان .. وانه انسخط على  
 الهيئة الزرية ودخل في  
 الصورة القردية بفعل  
 ابليس

طوال هذا المونولوج مع نفسه  
 نراه يعالج المجرمة ويقلب جمراتها  
 ويستخرج عدة صرر وعلب صغيرة  
 بها اصناف من العطارة والبخور  
 تعود فنسمع صوت زينب آتيا  
 من الخارج

- سي عبده .. مش حاتيحي  
 تاكل لك لقمة
- انا شبعان والحمد لله
- دنا عملاك محشى حاناكل  
 صوابك وراه
- انا شبعان يا ولية قلت لك
- شبعان ايه يا سي عبده ..
- ده انت م الضهر على لحم  
 بطنك
- ربنا قانعني والحمد لله
- طيب اجيب لك كوزين درة
- انا كلت تمرتين وحمدت ربنا
- ده اخوك ابراهيم اكل ثلاث  
 كيزان درة وهو واقف وكان  
 متعشى ... تقوم انت تنام

عبد المقصود  
 زينب

عبد المقصود  
 زينب

عبد المقصود  
 زينب

عبد المقصود  
 زينب

البخور  
 بين لحظة واخرى يقلب  
 الجمرات

ويضع قليلا من البخور  
 ويتمم ويحمم

صوت زينب من الخارج . .  
 ناعما ممطوطا  
 عبد المقصود ( في نفسه )

- سي عبده .. سي عبده ..
- سي عبد المقصود
- آه من النسوان احابيل  
 الشيطان

— أعوذ بالله السميع العليم

— عاوزه ايه يا ولية

— الواد محمد دراعه وارم مطرح  
 الدملم .. حانعمل له ايه

— مش قلت لك تحطى له لبخة  
 بذر « بذر خلنجان »

— عملت اللبخة والواد شالها  
 ورمها .. قال لازم يروح  
 لدكتور

— والدكتور حا يعمل له ايه

— أهو برده يبقى اسمه دكتور  
 يا سي عبده وعنده علم

— علم ايه .. هو علم الدكاترة  
 علم .. العلم كله في تذكرة  
 داود .. كل الحكمة اصلها  
 من تذكرة داود .. جالينوس  
 هو اللي علم الدنيا الحكمة  
 كلها ..

— وجلانوس ده يبقى ايه ..

— كمان

— الولاية مش عارفه جالينوس  
 حد يشك في بذر الخلنجان  
 لكن الحق مش عليها .. الحق

— عبد المقصود

— زينب

— زينب

— زينب

— زينب

— زينب

— زينب

— زينب

— زينب

— زينب

— زينب

— زينب

عبد المقصود  
 ( برفع صوته )  
 زينب

عبد المقصود

زينب

عبد المقصود  
 زينب

عبد المقصود

زينب في الخارج تضحك ضحكة  
 لها ذيل  
 عبد المقصود ( في نفسه )



على تمرتين  
 — وامتى اخويا ابراهيم كان هنا  
 واكل التلات كيزان درة  
 — فات عليك من يومين بالليل  
 .. وما كنتش موجود ..  
 — كنت سهران فى الجامع

— كان عاوز منى ايه  
 — انا عارفه .. اهو انت عارف  
 اخوك ساعات بيغيب بالسنة  
 وساعات بينط كل يوم  
 — وينط كل يوم ليه .. له  
 مصاحه ايه عندنا عشان  
 ينط لنا كل يوم .. مش احنا  
 صرفناه بالتى هى احسن آخر  
 مرة كان هنا .. وقلنا له  
 يروح احال سبيله ويسيبنا  
 ف حالنا .. جاي تانى يعمل  
 ايه

— انا عارفة بقى يا سى عبده ..  
 اهو اخوك تعرف خلاصك  
 فيه .. وانا مالى ...  
 — استغفر الله العظيم .. اللهم  
 اخزيك يا شيطان .. اللهم  
 اخزيك يا شيطان .. اقول  
 ايه بس .. اقول ايه ..  
 — ولا تقول ولا حاجة .. روق  
 .. روق كده .. وصلى ع  
 النبى

— اللهم صلى عليه  
 — اجيب لك المحشى  
 — لا ياستى روحى لخالك ..

ينتفض على اسم ابراهيم وكانما  
 لدغته عقرب  
 زينب

تقع من يديه الصرة من فرط  
 الاضطراب ويندلق البخور على  
 الارض  
 يتحول نحو الباب الموارب

يفتح الباب ويواجهها

تدير ظهرها له فى محاولة  
 للخلاص من الموضوع كله

عبد المقصود

مقبلة عليه فى انوثة

عبد المقصود  
 زينب  
 عبد المقصود

يرد الباب وينفرد فى غرفته ..  
 ويهمس مستغفرا مستعيذا  
 صوت الوسواس داخله

ينتفض للخاطر الهائل الذى  
 استولى عليه

يشيح بيديه كأنه يبعد كابوسا  
 صوت الوسواس

فى صوت معول

زينب من الخارج  
 ( فى ضعف )  
 يدس يده فى جيبه ويستخرج  
 التحويجة .. وهو يغمغم وياخذ  
 منها قطعة .. ويشرع فى مضغها  
 واستحلابها فى فمه ببطء .. وهو  
 يغمغم بنفس الصوت المعول ..

مش عاوز حاجة  
 — استغفر الله العظيم  
 استغفر الله العظيم  
 — وحياكل تلات كيزان دره ايه  
 وزينب بتقول انه كان متعشى  
 عمل ايه عندنا عشان يجوع  
 الجوع ده كله .. أعوذ  
 بالله

— استغفر الله العظيم من كل  
 ذنب عظيم  
 ان بعض الظن اثم  
 — ( هامسا ) قابيل وهابيل  
 اللهم اخزيك يا شيطان  
 — حاشا لله هذه فعلة لا تفعلها  
 زينب

زينب حبة القلب ومنى  
 الفؤاد

النسوان احابيل الشيطان  
 بافصات عمل ودين  
 لا كلهن الا زينب  
 زينب .. غير معقول  
 هذا شك لا يليق برجل دين  
 لا ... لا ...  
 — زينب ..  
 زينب ..  
 — سى عبده .. عاوز حاجة  
 يا سى عبده  
 — لا مفيش حاجة



وجهه في لقطة مكبرة  
تتراخي ملامحه ويبدو عليها  
الخدري ..  
في ضعف شديد وهو يغيب عن  
وعيه تدريجيا  
تبدأ ملامح الغرفة امام عينيه  
تذوب في كتلة مهوشة وتتداخل في  
حلم غريب ..

انه يرى نفسه في الحلم على  
شاطيء بحر .. يلهو بالرمال ..  
ويبنى بها مئذنة وكلما بنى المئذنة  
وصلبها على حبلها تقع منه وتنهد  
وتتهاوى رمالا من جديد ...  
ومن ورائه ناس كثيرون  
يخرجون من بيوتهم ساعين اليه  
.. وهو يهرب منهم الى البحر  
يخوض في موج البحر المتلاطم ..  
يحاول السباحة ولكنه يفتس  
ويطفو وجبال الموج والرشاش  
تقاذفه .. الشمس تغرب عند  
الافق ..  
يحاول ان يمسك بأشعتها  
وكانها حبال نجاة خيوط الشمس  
تتحول في يديه الى سلاسل  
ذهب .  
سلاسل الذهب تلتف حوله  
وتغمره وتنسكب حوله من كل  
مكان حتى يصبح وكأنه غارق في  
كومة من سلاسل الذهب الوهاجة  
يحاول ان يرفع رأسه من هذا  
الغمر من سلاسل الذهب ليتنفس  
ويملا صدره بالهواء

( في ضعف ) ما عادتش  
التجويجة بتنفع يا شيخ  
معروف  
الله يلعنك يا شيخ معروف

تداخل .. تبدأ ملامح الغرفة  
تبدو من خلفية الحلم  
يصحو من نومه على شمس  
الصبح الوهاجة تلهب وجهه  
وعينيه  
يدعك عينيه  
يفيق .. ويفرق في تأمل  
يبدو عليه انه يستعيد ما رأى  
في عينيه بريق دهشة  
قطع على جامع الحسين داخلي  
نهار الى جوار احد الاعمدة نرى  
عبد المقصود جالسا وبجانبه رجل  
مصمص وكانه عود قصب ..  
وجهه محنط وكانه رنجة محفوظة  
من مليون سنة ونرى هذا  
الرجل الموميأوى الشكل يميل  
عليه وكانه يلقي اليه بسر خطير

عبد المقصود  
الرجل  
عبد المقصود  
الرجل  
عبد المقصود  
الرجل  
عبد المقصود  
الرجل

الحلم اللي شفته ده  
مايشوفوش الا الاولياء  
والاقطاب  
يا سلام  
ده بشارة خير عظيم اوى  
اوى  
أنا كنت بابنى المدنة بايديادول  
يا شيخ صنفوان  
أنت حاتبنى الاسلام من  
جديد يا عبد المقصود  
والناس اللي بيجروا ورايا  
دول اتباعك اللي حايمشوا  
وراك في الطريق لكن ماحدث  
حا يقدر يحصلك .. انت  
لوحذك اللي حا تخوض البحر  
والبحر ده يبقى ايه  
بحر الوصول يا سيدى ..



بحر القرب والمحبة اللي  
 ما يخوضوش الا الموعودين  
 الله ... الله ... الله ...  
 الله ...  
 والذهب  
 ده الخير يا سيدى .. الخير  
 اللي مالوش نهابة ..  
 ما تقولش لحد عليه ..  
 ما تحكيش الحلم ده لحد  
 أبدا .. ربح الناس وحشة  
 بتفسد كل حاجة .. واحنا  
 عايشين فى عالم بطل ..  
 ربنا بكرمنا جميعا  
 لا ده ربنا حا يكرمك اوى ..  
 مين عارف .. ممكن انت  
 الهادى المهدي اللي حا تظهر  
 فى آخر الزمان ..  
 واسمى عبد المقصود الهادى  
 المهدي  
 الله .. الله .. الله .. الله ..  
 دى كرامة تانية يا سيدى  
 الله يفتح عليك يا شيخ صفوان  
 .. خد  
 ايه ده .. لا مالكش حتى  
 يا عبد المقصود

عبد المقصود

عبد المقصود  
الرجل

عبد المقصود  
الرجل

عبد المقصود

الرجل

عبد المقصود

يميل عليه ويدس فى يده ورقة  
 بنصف جنيه  
 يحاول رد النصف جنيه  
 ولكن عبد المقصود يشدد  
 عليه

الشيخ صفوان يدس النصف  
 جنيه فى جيبه  
 قطع داخل نهار عبد المقصود  
 يتناول الغداء مع زينب وفتحى

والاولاد .  
 بين كل لقمة يفمغم فرحا ..  
 يحاول ان يكتم أسباب فرحته  
 ولكنه لا يستطيع فهو يكاد يطق  
 من الفرحة  
 زينب

عبد المقصود

زينب

يتردد لحظة يقاوم الافشاء ..  
 ولكنه لا يستطيع .. فيبدأ يردد  
 اطراف مما رأى

عبد المقصود

زينب

عبد المقصود

زينب

عبد المقصود

زينب

عبد المقصود

زينب

عبد المقصود

الله ... الله ... الله ...  
 يا نور النبى  
 مالك النهارده مش على  
 بعضك يا سى عبده ..  
 ايه لقيت كنز  
 لقيت اللي اكبر من الكنز  
 طيب ما تفرحنا معاك  
 شفت حلم انما حاو اوى ..  
 خير  
 كنت مش حا قوله .. لكن  
 حا قوله عشان الواد ده يتعظ  
 خير اللهم اجعله خير  
 شفت انى بابنى مدنة يازينب  
 .. بابنى مدنة من الرمل  
 بايديا دول .. وكل ما المدنة  
 تقع ارجع اصلب حيلها بايديا  
 يا سلام .. وده يبقى ايه  
 يا سى عبده  
 يبقى الدين .. يبقى الاسلام  
 .. انا حابنى الاسلام بن  
 جديد  
 يا حلاوة  
 وشفت انى بعوم فى البحر  
 ومش قادر أعوم من كتر  
 الموج .. وبمسك الشمس  
 بايديا



زينب  
عبد المقصود

فتحى طول الوقت يبتسم  
ساخرا ثم يحاول ان يكتم ضحكة  
ثم يضحك اخيرا بلا تحشم

عبد المقصود

فتحى

عبد المقصود

فتحى

عبد المقصود

فتحى

عبد المقصود

ورفع يديه ليصفع ابنه ولكن  
فتحى كان أسرع منه في الهرب  
واللواذ بالباب بينما الاولاد راخوا  
يضحكون دون ان يفهموا لهذه  
الضحجة معنى

فتحى

عبد المقصود

يا حلاوة وده يبقى ايه  
— ده يبقى الخير الكثير . .  
الكثير أوى

— ايه يا ولد . . بتضحك على  
ايه

— ابدا . . كنت بحاول افكر  
تفسير فرويد للحلم بتاعك

— ( مغيظا ) فرويد . . مين  
فرويد ده كمان الكافر اللي  
بيفسر الاحلام . . فيه كافر  
يقدر يفسر الاحلام

— دول بيدرسوه فى الجامعات  
يايا . .

— ( فى ارتياب ) وبيقول ايه  
الكافر ده

— ( مترددا ) بيقول ان العوم فى  
البحر رمز جنسى

— اخوص الله يلعنك  
وما دمت مش عارف تعوم

— يبقى المعنى واضح  
اخوص الله يلعنك كلب منجوس

— دنا كنت بابنى المدنة بايديا  
دول يا كلب

— كنت بتبنى المدنة من الرمل  
. . وكل ما تصلب حيلها تقع

— تانى . . المدنة ما بتقعش  
يايا . . انت فاهم وانا فاهم

— اخوص الله يلعنك

وانفلت فتحى هاربا قبل ان  
يلحق به الكرسي الذى قذفه ابوه  
خلفه فى ثورة

زينب

عبد المقصود

زينب

عبد المقصود

زينب

عبد المقصود

زينب تصرخ فجأة مقاطعة وقد  
رأت الموضوع سيتطور الى خراب  
البيت

تخبط على صدرها وهى  
تتصاعد فى صراخها الى ذروة

— ( فى دهشة لثورته العارمة )  
ايه ده انت جراك ايه . .  
انت خدت الحكاية جد والا  
ايه

— ( فى ثورة مجنونة . . وصوت  
يحتقن بالبكاء )

— لا يمكن الولد ده يقعد هنا . .  
انا حاطرده . . لا يمكن ابات  
معاه فى بيت واحد . . ولد  
خنيس كلب منجوس

— ( محاولة ان تهدئه ) ده كان  
بيضحك . . انت حاتعمل  
عقلك بعقله

— ده ولد فاسد مفسد حاخسر  
لى كل اولادى . . ده كان  
لازم يروح الاحداث . . انا  
لا يمكن

— طب اقصر الشر . . خلى  
الليلة تفوت على خير

— لا يمكن حافوتها على خير . .  
انا والله العظيم على الطلاق  
بال

— انت اتجننت يا بو محمد

— انت حاتسوق لى امور الجنان  
كمان فى البيت . . لا انا  
ما اقدرش ع الحال ده ابدا  
. . دى ما بقتش عيشة . .  
دراويش مجانيين بالليل وعيال



مجانين بالنهار .. وآخر  
المواخر حاتيجي تحلف بالطلاق  
كمان .. مش كفاية اني  
راضية بالهم اللي انا فيه  
وعايشة في المورستان ده

بنكمش عبد المقصود امام صراخ  
امراته المفاجيء  
يقول وهو يتلع ثورته

— يعني يرضيكي الكلام الفارغ  
اللي بيتقوله .. يعني دي تربية  
يعنى

— عيل صغير وعقله صغير على  
قده وقال كلمة فارغة .. ابيه  
يعنى اتهدت الدنيا

— وده يبقى ادب .. وده يبقى  
ادب يا ناس  
مكشوف الوش قليل الحيا  
.. كلب

زينب

عبد المقصود

ينفخ وبغمغم في ألم مكبوت

بينما زينب تدير وجهها وتخفي  
ابتسامة

قطع داخل .. ليل  
عبد المقصود في غرفته مع  
التحويجة

يضع قطعة في فمه بنهم ...  
ويستحلبها بتلذذ .. وبطء  
ملامحه المتوترة تسترخي  
صوت نفسه

— ليه حكيت لهم ع الحلم  
افسدوه بريحهم الخبيث  
كل طاهر في الدنيا يخلص  
الشيطان ما يفسده  
الشر في كل مكان  
والخير وحيد  
وانت وحيد  
متهم

العالم بيتهمك  
والمحامى هو الله  
وانت برىء  
والجانى الحقيقى هو ابراهيم  
هو اللي بيخبي زينب كل يوم  
في قميصه الحرير ..  
وياكلها لوحده قطعة قطعة ..  
( يبكى بالدموع مع كل  
كلمة )  
وانا المتهم

تبدو ملامح الهلوسة على وجهه  
يرفع رأسه ويهذى في شبه  
الغيبوبة

تذوب تفاصيل الغرفة وتظهر  
منصة عليها خمسة من الاقطاب  
الاولياء في ثياب بيض ليقولوا في  
صوت واحد

— انا برىء  
يا سادتى القضاة .. ابعثوا  
في طلب المتهم الحقيقى

— انت برىء يا سيد عبد  
المقصود .. نحن جنناك  
لنبرئك ونقلدك ثوب الامارة  
( منتفضا ) سيدى ومولاي  
— انت سيدنا .. انت مولانا ..  
انت اميرنا ..

عبد المقصود  
القضاة

نحن هنا لنبلغك البشارة  
البشارة !!  
— البشارة التى اتتك من المولى  
يا سبحان الله  
— لقد اختارتك العناية لتكون  
رسولها

عبد المقصود  
القضاة  
عبد المقصود  
قاضي اليمين

— يا سبحان الله  
تعاليت عن التهم والشبهات  
فانت المقصود من كل العباد  
.. انت الهادى المهدي

عبد المقصود  
قاضي اليسار



الذي سيقود العالم الى بر  
النجاة ..

- يا رحمن يا حيم
- وهذا ثوب امارتك
- وهذا صولجانك
- قم واحمل تبعتك

عبد المقصود  
قاضي الوسط  
يضعون عليه ثوب الدراويش  
المرقع  
ويسلمونه مفرعة ..  
تذوب خيالات الهلوسة ..  
ونرى عبد المقصود فاتحا فاه  
.. وعيناه تبرقان  
لقد جن عبد المقصود  
قطع على غرفة المكتب ( داخلي  
نهار ) في بيت الشيخ يحيى ..  
وفتحى يذرع الغرفة في خطوات  
سريعة مضطربة .. ذاهبا ..  
آيبا .. عيناه حمروان وارمتان  
وصوته يتهدج بالانفعال .. يشاور  
بيديه مع كل كلمة ويتصاعد  
بصوته درجة درجة الى ذروة

- ودي هي النهاية اللي كنت  
حاسب حسابها ..
- ابويا اتجنن يا شيخ يحيى ..
- ابويا سباب البيت والدكان  
وقعد على رصيف الحسين  
ولبس عر مرقع ومسك  
مفرعة
- ودي آخرة الدين والتدين  
— ابوك عمره ما كان متدين  
ابوك صديق طفولة وزميل  
عمر .. وانا اعرفه اكثر  
منك ..
- ابوك اللي جننته الدنيا مش  
الدين
- ابوك طول عمره يحلم

يحيى في صوت هاديء يلقي  
بالقنبلة

بالفلوس والشهرة والنجاح.  
كان حلم حياته انه يخش  
الحقوق .. . ويطلع محامى  
كسيب .. ولما جدك اتشل  
وقعد في البيت وانقطع الدخل  
الكبير .. اضطر عبدالمقصود  
يقعد في اندكان ويتنازل عن  
احلام الجامعة والمحامة ..  
عشان يجرى ع الاولاد ومن  
يومها اتلم ع الدراويش  
والسحارين والمجازيب مش  
باعتبارهم رجال دين ابدا ..  
انما باعتبارهم وسيلة لتحضير  
الجن وتحويل التراب لذهب  
كان كل همه الفلوس والدنيا  
والمتعة وزينب وآخر الليل  
كان معاده كل يوم مع  
التحويجة ولما ما قدرش يوصل  
لاي شىء اتجنن .

فتحى

يحيى

- ابويا ما كانش عنده غير كلمة  
يارب .. يارب
- ابوك عمره ما فكر في ربنا ..  
ولا كان في تكوينه ذرة من  
صفاء العباد وزهدهم
- ابوك كان بيطلب الدنيا بجنون  
.. وكان بيجرى ورا اللذة  
بنهم مسعور كان بينادي  
بيقول يا رب وهو في الحقيقة  
بينادي ع الدنيا وبيقول  
يا دنيا .. الحقينى ..  
انا عاوزك في حضنى .. كلك  
.. فلوس ولذة وذهب  
وستات



غير كده ..  
 — ما انتو بتنقوا م التاريخ  
 المراحل اللي على هواكم  
 وتهملوا الباقي  
 — طلعتا بقوانين مؤكدة  
 — ابدأ مجرد احتمالات  
 وترجيحات بتصيب وتحيب  
 ونبؤات ماركس خابت كلها  
 بالفعل  
 تنبأ بأن مولد الشيوعية  
 حايكون في مجتمع صناعي  
 متقدم وحصل انها اتولدت في  
 مجتمع زراعي متخلف  
 تنبأ باتساع هوة التناقض  
 والصراع في البلاد الرأسمالية  
 واللي حصل ان الصراع بدأ  
 بين البلاد الاشتراكية ..  
 تنبأ بأن الشيوعية حا تغير  
 الاخلاق الي احسن فاتغيرت  
 الاخلاق الي أسوأ ..  
 انتهازية ووصولية  
 وبيروقراطية وتسلق وتملق  
 وارهاب وشللية وكذب  
 ونفاق  
 والآخر عشنا وشفنا روسيا  
 وامريكا بيتفقوا من فوق ..  
 من فوق راسكو  
 — ( يصرخ ) انا احتج ع الكلام  
 ده  
 — الحزب الشيوعي الفرنسي  
 احتج زيك في بداية الحرب  
 العالمية الثانية لما ستالين وضع  
 ايده في ايد هتلر وعمل

يحيى

فتحي

يحيى

نبرات الشيخ يحيى تتصاعد  
 في صرامة من كلمة الي كلمة حتى  
 تصل الي نوع من القطع الباتر

فتحي

يحيى

كان عنده انفصام بين الكلمة  
 والشعور .. وده اللي انتهى  
 بيه للجنون  
 الدين شيء تانى تماما ..  
 الدين صدق وامانة مع النفس  
 ومع الناس ومع الله والمتدين  
 سيد على مغريات الدنيا  
 وسيد على نفسه .. انت  
 عيبك ان معلوماتك عن الدين  
 بتاخذها من الارصفة  
 والمشردين .. حاول تعرف  
 الدين من الكتاب اللي نزله  
 ربنا ..  
 اقرأ فيه .. كأنه ديالكتيك  
 يا اخي  
 — لكن انت معايا ان الفقر  
 هو سبب كل ده  
 — طيب ما انت بتاكل مع ابوك  
 من طبق واحد وفقير زيه ..  
 ليه ما بتفكرشي زيه .. ليه  
 هو يمين .. وانت شمال ..  
 يا ابني مفيش حتمية في  
 المسائل الانسانية .. انتو  
 بتغلطوا كثير لما بتتكلموا عن  
 حتمية الصراع الطبقي ..  
 وحتمية السلوك الانساني ..  
 مفيش كلام من ده ..  
 الانسان مختلف عن مسمارفي  
 ماكينة .. ومستحيل التنبؤ  
 بسلوكه .. بالكثير نخرج  
 باحتمالات .. بظنون ..  
 مش اكثر  
 — لكن استقراء التاريخ يقول

فتحي

يحيى

فتحي



معاهدة عدم اعتداء في الوقت  
 التي كان النازي يعلق  
 المشانق الشيوعيين في البلاد  
 الاوروبية التي احتلها  
 ومن سنوات شفنا الصين  
 بتخطب ود السودان ..  
 بينما السودان بتنحسر  
 الشيوعيين نحر الابل ..  
 فوق لنفسك يا ابني .. انت  
 عايش في غابة .. حاول تقرأ  
 من الواقع .. وبطل قرابة  
 الكتب والمنشورات الكذب ..  
 في اكل يوم بيتقتل الابرياء  
 باسم شعارات كذب في كذب  
 وانت قاعد تهتف وحدك ..  
 وتكذب انت كمان من غير  
 ما تحس  
 ( يصرخ ) بس .. كفاية  
 ( يتهالك على كرسي )  
 والاخر حا تتجنن زي ابوك  
 لما تفوق على التناقض الهائل  
 التي عشت فيه  
 يا ابني انا اكبر منك .. انا  
 عشت في فرنسا عشر سنين  
 اقرا .. وبعده المشوار  
 الطويل في الكتب المعقدة من  
 الف صفحة اكتشفت انها  
 كذب .. كذب .. مؤامرة  
 لتحريض الناس على الناس  
 وضرب الناس بالناس ..  
 واثارة الاحقاد ..  
 العدالة مطلوبة .. لكن  
 وسيلتها المحبة .. والدين

فتحي

يحيى

يقترّب منه ويرتب على ظهره  
في حنان

.. والاخاء .. والتعاطف  
 مش اثاره الاحقاد ..  
 وصرع الطبقات .. ابدأ ..  
 ابدأ ..  
 الاشتراكية العلمية غير علمية  
 .. افهم .. افهم  
 ( ينتفض فجأة صارخا ) انت  
 كذاب .. انت رجعي  
 بورجوازي متعفن .. انا  
 عارفك .. مجرد بيروقراطي  
 محافظ مش عاوز اي حاجة  
 تتغير عشان مفيش حاجة  
 تمس مرتبك .. عايش في  
 حالة عزلة وانغلاق .. بعيد  
 عن احساس الجماهير  
 والطبقات الكادحة .. انت  
 عدونا .. انت عدو الشعب  
 ( يتسم ) طيب يا سيدى الله  
 يسامحك .. اشرب الشاي  
 بتاعك لا يبرد  
 انا مش حاشرب عندك حاجة  
 .. انا ماشى ومش خارج  
 لك ..

فتحي

يحيى

فتحي ... ..

الشيخ يحيى ما زال على  
 ابتسامته وهو يتأمل فتحي وهو  
 ينطق كالسهم خارجا .. ويصفق  
 الباب خلفه  
 قطع على رصيف بميدان  
 الحسين .. خارجي نهار  
 عبد المقصود في يده مفرعة  
 وعليه ثوب الدراويش المرقع  
 يستوقف كل واحد من المارة



ما تنساش الوصية  
الوصية امانة يا خواننا  
كل واحد يروح بلده يحمل  
معاه الرسالة .. رسالة  
المهدى

رسالة من خمس كلمات  
العفو عن الظالمين  
المحبة للخلق اجمعين  
المغفرة لسكان العالمين  
الرضا والسماحة والقبول ..  
ورد القضاء بتحميله  
وكلمة يارب ..

كله فان ما عدا الواحد  
الصمد  
كل من عليها فان  
حي .. قيوم .. بارئ  
الصور

كل هذه الدنيا وهم يا اخواننا  
كلها صور .. خيالات ..  
أحلام .. عرض زائل ..  
محنة وامتحان .. كريم ..  
كريم

ينجيننا جميعا  
انا زينب يا عبد المقصود ..  
انت مش عارفنى  
انا مراتك

زينب قتلها ابراهيم الله  
يرحمها  
ابراهيم مين .. انت جرى  
لعلقك ايه .. مش حرام  
عليك تسيبنا فى المرار ده ..

أحد المارة يعطيه قرشا ..  
فيرميه فى عرض الشارع

نرى زينب مقبلة عليه ..  
ينظر اليها كأنه لا يعرفها ويستمر  
فى كلامه

امراته تهزه وهى تنظر فى  
عينيه

عبد المقصود

زينب

عبد المقصود

يبكى ..

وزينب هى الاخرى تلطم ..  
تحاول ان تجره  
ويرفض ان يتحرك ..  
الناس يتجمعون  
أحد الموجودين

رجل آخر

رجل ثالث

زينب

عبد المقصود

زينب

عبد المقصود

يستدير الى الواقفين ويتخلص  
من قبضة امراته

احنا عملنا لك ايه .. الله  
يجازى اللى كان السبب الله  
يجازى اللى كان السبب  
الله يسامحه اللى كان السبب  
الرحمة لمن لا يرحم  
العفو عن الظالمين  
المحبة للخلق اجمعين  
كلمة يا رب ..

سببيه يا ستى ف حاله ده  
راجل عنده لطف ..

ده من اهل الله .. ما حدش  
يقرب له

ده اللى يقرب منه ينصاب

( تهزه ) اولادك .. يا عبد

المقصود اولادك .. يهون

عليك تسيبهم ..

انا ما ليش ولاد ..

انا كل الناس اولادى

وحا يكلو منين

ربنا بياكل كل الناس

بيخلق الدودة فى الحجر

ويخلق لها رزق

امشى يا وليه بلاش دوشة

ما تنسوش الوصية

الوصية امانة يا خواننا

كل واحد يروح بلده يحمل  
معاه الرسالة .. رسالة  
المهدى



اختفاء تدريجي للمنظر  
داخلي ليل في منزل عبـد  
المقصود  
ابراهيم وزينب يتحادثان في  
حـدة  
ابراهيم

— اخويا اتجنن خلاص .. فقد  
عقله .. انتهى ..  
جايز يرتكب جريمة .. جايز  
ياذي نفسه .. جايز ياذي  
الناس احنا مستنين ايه ..  
لازم نبلغ الصحة عشان  
ياخدوه ع الخانكة

— خانكة .. يا خرابي ..  
والنبي ما يمكن ابدا ..  
ابو عيالي يا خدوه ع  
المورستان في حياتي ..  
لا يمكن .. ده على عيني ..  
دنا اخدوه لآخر يوم من  
عمرى

— وايه آخرة البكا ده يازينب  
.. يعنى حا يرجع نه عقله  
.. ما خلاص اللي كان كان  
.. وقضاه كده .. كأنه مات  
ايه الفرق بينه وبين الميت  
دلوقت .. اعتبرى انه مات  
وريجى نفسك

— مات وده كلام تقول باسى  
ابراهيم .. وانا يهنالى عيش  
من بعده .. وانا حا عرف  
طعم الراحة من بعده ابدا ..

تخبط زينب على صدرها  
باستنكار وهى تصرخ

وتبكي وتمزق شعرها في  
ياس  
ابراهيم

زينب تلطم خديها باكية

رسالة من خمس كلمات  
الرحمة لمن لا يرحم  
العفو عن الظالمين  
المحبة للخلق اجمعين  
المغفرة لسكان العالمين  
الرضا والسماحة والقبول ..  
ورد القضاء بتحملة وكلمة  
يارب

— يارب  
— يالله يا كذايين يا ولاد الكلب

— يالله يا كذايين يا ولاد الكلب  
— يالله يا كذاب يابن الكلب  
— اطلع من هدومك يا كذاب  
يابن الكلب  
اطلع يا جن

— المجنون اهوه

— المجنون اهوه

— المجنون اهوه

الواقفون من حوله يرددون في  
صوت واحد  
ينزل فيهم ضربا بالمقرعة وهو  
يهتف

يضحكون  
امراته تنصرف وعلى وجهها  
حزن لا حد له  
ما زال يضرب الهواء وهو  
يغمغم  
يضرب نفسه محدثا نفسه

سامر عيال يشاورون عليه  
ويهتفون

وهو يشاور معهم على نفسه  
ويهتف

ثم يتهالك على الارض دفعة  
واحدة ويدفن رأسه بين يديه  
وويكى وينشج بحرقه



ويصبح برده تقول كنمة زى  
دى يا سى ابراهيم  
— مانا مش هاین على اشوفك  
فى الحزن ده

ابراهيم

يميل عليها ويمسك يدها فى  
رفق  
ولكنها تنزع يده فى غاظة وتنظر  
اليه نظرة خشنة فيها حزن  
وحشى لا حد له

ابراهيم

زينب

— انت ايه اللى جابك داوقت  
هو ماكانش بيطبق يشوفك  
ما هو انت السبب  
انت اللى جننته  
— ( فى برود ) انا اللى جننته  
ازاى  
— رايح جاى راكب المرسيدس  
وماسك السلسلة الذهب  
وبتتعايق بفلوسك .. وهو  
حايطق م الفقر بيبيض لك  
ومش قادر يبقى زيك ..  
انقهر .. وانكسر ..  
واتهيا له انى باسوى معاك  
الهوايل  
طق .. اتجنن ...  
— ( فى رقة وهو يمسك يدها )  
طب واحنا ذنبنا ايه  
— ابعده ايديك عنى

ابراهيم

تنزع يده فى وحشية  
تداخل

صورة عبد المقصود فى خيالها  
وهو يهتف

— الرحمة لمن لا يرحم  
العفو عن الظالمين  
المحبة للخلق اجمعين

ترد بصوت وحشى وكأنها

تجاوب على خيالها وتجاوب على  
الموقف

— ازاي حا نرحم اللى مفيش  
رحمة ف قلبه

ما احنا ح نشجعه على الظالم  
ازاي حا نممنح المحبة للخلق  
اجمعين والخلق كلهم ديابة  
بتعوى

مجنون .. عبد المقصود ..  
مجنون

لا مسكين عبد المقصود ..  
مش ممكن الواحد يعيش فى  
الغابة دى من غير ما يتجنن

تنهار باكية

وترفع ذراعها الى السماء

— الله يخرّب بيت كل المشايخ  
اللى جننوه

ابراهيم ينحنى عليها ليربت على  
ظهرها بكفه  
تنتفض صارخة

— اخرج بره .. مش عاوزه  
اشوف خلقتك تانى

قطع على ميدان الحسين  
خارجى نهار  
وعبد المقصود يطيح فى سامر  
العيال حوله وينزل فيهم ضربا  
بالمقرعة والعيال يتصايحون

— المجنون اهوه  
— المجنون اهوه  
— المجنون اهوه

عربة مستشفى المجاذيب  
قادمة

ينزل اثنين من التمورجية  
ومعهم رجل ثالث  
يشير الرجل الى عبد المقصود



فيهجم التمورجية عليه  
ويلبسونه قميص الكتاف ويحملونه  
كالشوال الى العربة وهو يتصايح  
باكيا

العربة تنطلق الى الخانكة وعبد  
المقصود ما زال يتصايح .. وهم  
يضربونه على قفاه

العربة تبتعد وتتضاءل قليلا  
قليلا في الكادر  
وما زالت اصداء الصوت معنا

اختفاء تدريجي للصورة  
داخلي نهار  
ستوديو الرسم في دار اخبار  
اليوم

هدى تضع اللمسات الاخيرة في  
لوحة عن دراويش الحسين  
نرى فتحى على رأسها ..  
يتأمل اللوحة باعجاب

فتحى  
هدى

فتحى

— الرحمة لمن لا يرحم  
العفو عن الظالمين  
المحبة للخلق اجمعين

— الرضا والسماحة والقبول  
ورد القضاء بتحملة  
وكلمة يا رب  
الوصية امانة يا خواننا  
كل واحد يروح بلده يحمل  
معاه الرسالة

رسالة المهدي  
رسالة في خمس كلمات  
الرحمة لمن لا يرحم ..

— لوحة جميلة جدا  
— على فكرة بابا زعلان منك  
اوى  
— ( بندم ) انا مش عارف عملت  
كده ليه ..

مش عارف ايه اللي جننى  
يومها  
هو قال لك ايه  
— قال لى كلهم كده .. اللي  
يختلف معاهم يطلعوه خاين  
وما جور ورجعى وعدو الشعب  
واذا كانوا فى الحكم يعتقلوه

هدى  
فتحى يضحك  
هدى

— بيقول انكو ما عندكوش  
تفاهم ..  
ومش ممكن يكون بينكم وبينى  
حد حوار  
اللى يكلمكم بالمنطق .. تردوا  
عليه بالشتيمة

صحح الكلام ده  
— لا طبعا هو بيبالغ  
انتى عارفة موقف ابوكى  
منا

— لكن ده اللي حصل بالفعل ..  
هو حاول يكلمك بالمنطق  
وانت رديت عليه بالشتيمة  
.. واتهمته فى اخلاقه

وضميره طوالى  
— ايوه .. ده اللي حصل ..  
— الحقيقة يا فتحى .. ده أسوأ  
ما فيك ..

انا ساعات بيتهالى ان الجانب  
العقائدى منك هو الجانب  
غير الانسانى من شخصيتك  
.. هو النيجاتيف .. الظل  
.. الاسود .. فى صورتك

— يا ساتر  
— انا فعلا باصدق بابا .. لما

فتحى

هدى

فتحى  
هدى

فتحى  
هدى



بيقول لي أن طريقتكو هي  
الحقد وتحريض الناس ع  
الناس وضرب الناس  
بالناس ..  
دايما بابا يقول ان البروليتاربا  
مش عاوزه تحقق تطوور  
تاريخي .. انما عاوزه تحقق  
ثأر تاريخي ..  
الانتقام هو الدافع والمحرك  
انا جتني بتقشعر لما بفكر في  
كلامه

— يبقى لي حق لما اتجنن  
— لكن هي دي الحقيقة

فتحي  
هدى

طول الوقت نراها ترسم وهي  
تتكلم تضيف بقعة لون هنا وخطا  
هناك ولا ترفع وجهها لتنظر في  
وجه فتحي الا قليلا .. نظرة  
عابرة ثم تعود الى الرسم  
هدى

— فعلا انت لما بتبتدي تتكلم في  
السياسة بتتشنج وسحنك  
بتتقلب والشفافية اللي فيك  
بتعتم كأن ركبك شيطان ..  
بتبقى مش انت .. (تضحك)  
يا ساتر

— مع ان الجانب الثاني في  
شخصيتك فيه لطف ورقة  
وشفافية وروحانية وجاذبية  
نفسى تبطل التشنجات  
الكذابة اللي انت سابق فيها  
وتعيد نظر في الموضوع كله  
.. ايه المانع

فتحي  
هدى

فتحي في حالة غيظ يمسح  
عرقه .. على وشك ان يثور ثورة

عارمة .. ولكن هدى تبادر اليه  
في ذكاء ..  
هدى

فتحي يضحك رغما عنه

هدى

ترفع رأسها اليه وتنكسر  
شعرها في أنوثة طاغية وتداعب  
بشعرها انفه

فتحي في حالة سكر عاطفي  
حاد .. يقبل شعرها

يتدارك نفسه بسرعة ..

ترفع وجهها اليه في حياء  
عيناه تلمع فيهما لمعة حنان

هدى

فتحي

هدى

ترفع وجهها اليه  
نظرة حب حقيقي

لحظة صمت .. موسيقى  
تصويرية رقيقة في الخلفية  
هدى تفتح درجا في مكتبها

فتحي  
هدى

— انا عارفة انك حاشتم دلوقت  
وتقول .. بورجوازية رجعية  
متعفنة .. عدوة الشعب

— على العموم انا مش متعفنة ..  
شم شعري كده .. فيه  
ريحة عفان

— ( مبتسمة ) أهى دي بقه بابا  
يقتلك عليها

— لكن دي مش الجانب المظلم  
من شخصيتي .. مش  
النيجاتيف والله العظيم ..  
مش الاسود اللي في الصورة  
— ( برقة ) لا .. ده النور اللي  
فيك

— حا وريك حاجة حلوه  
حا فرجك على أجمل نوحه  
رسمها رسام

— حزر فزر حاوريك ايه  
ايه

— جناح فراشة  
بابا جابلي مجموعة فراشات



تخرج من الدرج علبة كبيرة  
تفتحها نرى في داخلها مجموعة  
من الفراشات الضخمة الملونة  
فتحى يفتح فمه مذهولا وهو  
يتأمل جمال الفراشات

يهتف  
هدى

فتحى  
هدى

فتحى  
هدى  
فتحى  
هدى

الموسيقى الناعمة طول الوقت  
في الخلفية  
هدى

من مزرعة في انجلترا . .  
انما مجموعة هائلة . . دائما  
حاطاها جنبى . . كل شوية  
ابص فيها

— شىء مذهل  
— شوف الجناح مرسوم كانه  
سجادة

— مش معقول ده تحفة فنية  
— اعجاز في الخط واللون  
والضلل والنور والبقع  
والمساحات والخامة . .  
الجناح منسوج زى القطيفة  
شوف البقعة الحمراء على  
الخلفية الرمادى

— الله  
— بتقول الله . .  
— الحقيقة حاجة تحير  
— ( تتأمل وجهه في حنان )  
بتعجبني لما بتحترار

— تعرف . .  
انا ساعات أقف قدام ورقة  
شجر . . زهرة . . ريشة  
طاووس . . اقول . . الله . .  
باحس انى قدام فن تشكلى  
. . ابداع . .  
مش معقول يكون كل ده رسم

فتحى  
هدى

فتحى ينظر اليها صامتا  
هدى

تناوله صندوق صغير به فراشة  
ضخمة ملونة . . فتحى يأخذ  
الصندوق

فتحى ينظر في جناح الفراشة  
هدى

فتحى

هدى

فتحى

نفسه  
فيه ايد ورا كل ده . .  
— الحقيقة حاجة تحير  
— مش معقول يكون ده كله جه  
صدفة

— حاديك . . فراشة من دول  
هدية . . تبقى تبص فيها قبل  
ما تنام . . وتحاول تقرا  
الكلام اللي مكتوب على  
جناحها . .

— ( مبتسما ) فيه مكتوب ايه  
على جناحها  
— مكتوب عليه جواب من ربنا  
لكل عين بتبص  
— لاه . . انتى الظاهر

حاندروشى زى ابويا . .  
لا انا ما احبش النعمة دى . .  
كله الا التخريف . . انا معاكى  
ان فيه حاجات في الدنيا تحير  
. . انما ده مش معناه ان  
احنا نهجص . . ونخرف . .  
والا الآخرة تكون

— ( مقاطعة ) نكون ايه . .  
تكون الجنة طبعا  
— لا . . ( بصوت صارم ) تكون  
الخانكة



قطع على مستشفى الخانكة  
داخلي نهار  
زينب في يدها صرة تترنح في  
طريقها ذاهلة وهي تمشي في  
كوريدور طويل بين جدران كالحية  
مشققة سقط طلاؤها وتوقف  
عند كل خطوة وتسال من نقائه

— عنبر ٩ من هنا يا سيدي  
— عاوزة مين  
— عبد المقصود .. عبد المقصود  
المهدى  
— ما اعرفوش  
— عنبر ٩ فين يا عم ربنا يخليك  
— عنبر ٩ قدامك اهو  
— عاوزة مين يا ست هانم

تعود لتسال رجلا آخر

تبدو ذابلة ناحلة وقد انطفأ  
بهاؤها وكأنها كبرت عشرين عاما  
.. يتقدم نحوها تمورجي

— عاوزة عبد المقصود الهادي  
المهدى  
— المهدي المنتظر .. ده عندنا  
.. اتفضل من هنا

بيتسم التمورجي وهو  
يقول

يميل عليها وهو يقول بنغمة  
ذات معنى ناظرا الى الصرة التي  
تحملها

الكبريت ممنوع .. والسجاير  
.. وبوابير السبرتو ..  
— مفيش كبريت ولا سجاير  
ولا بوابير سبرتو

زينب:

يحاول مرة اخرى ان يلتمس  
السبيل الى غرضه  
تمد يدها لتضع في كفه عشرة  
قروش فيبتسم ابتسامة لزجة  
ويأخذها من يدها

— والاكل ممنوع كمان

— اتفضل من هنا

تدخل العنبر  
تلمح عبد المقصود جالسما كوما  
في ركن ورأسه في الارض تسرع  
اليه لتحضنه  
ترفعه من يده وتجلسه على  
فراشه وتجلس بجواره  
يرفع اليها وجها ذاهلا  
عيناه حمراوان وارمتان وخذاه  
هضيمان وعظام وجهه بارزة  
وشفتاه شاحبتان ورأسه مخلوقا  
بالموس وشكله غريب وهيئته  
مريضة ..

يبدو اكثر ذهولا مما كان  
ما زال يتمتم على مسبحته  
التمورجي

— اصلنا عملنا له جلسة  
بالكهربا .. عشان كده تابه  
شوية .. لكن بكرة حاي تحسن  
.. وحانعمل له كل اسبوع  
جلسة .. وحايخف ويرجع  
لك باذن الله

— لسه برضه بيهلوس  
— بعد الكهربا بطل هلوسة  
وسكت .. وقعد لوحده في  
ركن زى ما شفتيه  
— والكهربا دي بتتعب  
— لا ابدا .. دي مفيش حد  
بيحس بيها

زينب هامسة للتمورجي  
التمورجي

زينب  
التمورجي

يفرك يديه ويعاود الكلام بالنبرة  
اللزجة اياها

— هو معقول حاي يتعب وانا  
موجود .. امال انا فين ..  
دنا يوم الكهربا ما باسيبوش  
ابدا

زينب

— كتر خيرك .. كله عند ربنا



ما بيروحش . : ده راجل  
طيب عمره ما اذى حد . .  
الله يجازى اللي كانوا السبب

— الله يسامح اللي كانوا السبب  
. . ربنا يرحم الجميع . .  
ربنا يرحم الجميع . . واجبنا  
طلب الرحمة لمن لا يرحم

وكانما تيقظ عبد المقصود من  
غيوبته على الكلمة . . فيقول  
بصوت متهدج :

زينب تمسح دمة تسيل على  
خدها  
وتفتح الصرة التي معها وتخرج  
دجاجة تضعها امام عبد المقصود  
تنظر الى التمورجى الذى يحملق  
في الصرة وتعطيه حفنة يرتقال  
عبد المقصود يبدأ في الاكل  
بطريقة آلية ويمضغ في حركة  
غريزية كأنه حيوان  
زينب

التمورجى

زينب  
التمورجى

زينب تضع يدها على خدها  
في حسرة  
يرفع عبد المقصود وجهه عن  
الدجاجة وينظر اليها لأول مرة

زينب

— أهو راح السجن . . اخوك  
اللى رماك الرمية دي ربنا  
رماه في السجن . . خدوه في  
الحديد وحطوه في عريبة  
المساجين مع المجرمين . .  
ربنا ما بيفوتش لحد ابدا

يرفع عبد المقصود كفه المتسخ  
ويمسح عينيه ويبكى

— أنت بتعيط على ايه . . هو ده  
يستاهل حد يعيط عليه . .  
اللى كان بياكل مال الناس  
الغلابة . . ده كان يسرق  
الكيماوى بتاع الفلاحين  
ويبيعه . . ده ضبطوا عنده  
مخزن فيه بألف جنيه آلات  
رش سارقها من التعاونية . .  
غير الهورين والكوكابين الللى  
كان بيتاجر فيه

عبد المقصود  
زينب

— ( يبكى ) لا اله الا الله  
— ( في صوت جاف ) كل واحد  
بياخد الللى يستحقه . .  
والظالم عليه الللى اقوى  
منه

عبد المقصود

زينب

— ( بتهته )  
العفو عن الظالمين  
الرحمة لمن لا يرحم  
— ( في جفاف ) الرحمة إن  
لا يرحم بيروح فيها الللى  
يرحم

عبد المقصود

— لا حول ولا قوة الا بالله  
— لا حول ولا قوة الا بالله

له  
زينب تخرج له برتقالة وتقشرها  
تدور بعينها في العنبر



العنبر فيه زوار .. يحوطهم  
اقاربهم  
التمورجى يقول بلزوجة

زينب

التمورجى

يفرك يديه ويستأنف بنبرة فيها  
استعداد لكل خدمة

زينب تدس في يده المدودة  
عشرة قروش اخرى .. وقد  
آثرت ان تروج هذه الاشاعة التى  
لا تضر .. اشاعة البية اللى مقامه  
كبير

أحد المجاذيب ممن لا اهل لهم  
ولا زوار .. نراه يقترب من عبد  
المقصود .. وقد لف ملاءة سريره  
على رأسه كأنها عمامة كبيرة نراه  
يبتسم ابتسامة واسعة ويعدل  
عمامته

ويصفق

التمورجى يعاجله بكف على قفاه  
وشلوت ويطارده حتى باب العنبر  
زينب ترتجف من الرعب وهى  
متشبهه بعبد المقصود

يا جعفر .. يا وزيرى  
جعفر

وعبد المقصود يهتف بصوت  
متهافت

الرحمة لمن لا يرحم  
العفو عن الظالمين  
المحبة للخلق اجمعين

اختفاء تدريجى للمنظر  
داخلى نهار

الصالة فى بيت عبد المقصود  
فتتحى يذرع الصالة فى عصبية  
يقول بحدة وهو يابوح بيده

انا لا يمكن اقعده دقيقة فى  
المكتبة دى .. لا يمكن  
حاشتغل بياع تخاريف على  
آخر الزمن

صوت زينب يأتى حادا من  
الداخل

ومين حا يقعد فيها .. ابوك  
فى المستشفى وعمك فى السجن  
وجدك مشلول .. ومفيش  
قدامنا حل .. والاربعين  
جنيه اللى بيجوننا منها احنا  
أولى بيهم

فتتحى

تتخرج من عرفتها لتواجهه

لكن دى جريمة  
لو ما بعثش الكتب دى فيه  
غيرك حايبيعها .. ده ملك  
منظمه سيده .. هو انت  
خلقت الكون .. انت عاوز  
تغير الدنيا ف ثانية

فتتحى

ايوه علوز اغير الدنيا ف  
ثانية

تترنّب

كان غيرك اشطر .. العالم  
بقى له الوف انسمين عايش  
فى الكلام ده .. حاتييجى انت  
على آخر الزمن تفسير له  
عقله



فتحي

زينب

— أيوه حاغير له عقله .. لازم  
 — أغير له عقله  
 — العالم مش حا ياكل  
 ولا حايشبع لو بطلنا نبيع  
 كتبنا .. احنا اللي حانجوع  
 .. ابوك الغلبان اللي دابت  
 هدومه في المستشفى هـ  
 اللي حا يجوع ويتعري

فتحي يسكت وينهار حينما  
 تأتي ذكرى ابيه ويشل تفكيره  
 تماما .. ولا يملك كلمة برد  
 بها .

قطع على فتحي وهو ملقى في  
 المكتبة .. داخلي نهار ونسمع  
 همهمة من الشارع .. هي اصوات  
 الدراويش التي تصالنا ..  
 وهم يعبرون الكادر من وقت  
 لآخر ..

— حتى .. حتى .. سبحان من  
 له الدوام  
 — الامر لله وحده والملك لله  
 والشاقى هو الله والرازق هو  
 الله .. كله من عنده  
 — يا خواننا اياكم واكل المال  
 الحرام  
 كله بيروح ..  
 كله بيروح  
 — صلوا على كامل النور  
 — الاكل الحلال .. والرزق  
 الحلال ونظافة الظاهر ونظافة  
 الباطن وحسن النية وطيب  
 الخلق والدعوة المباركة وكلمة  
 يا رب .. هي مفاتيح الجنة

نرى الكلام على وجه فتحي ..  
 والكاميرا تنتقل في سرعة لتلقظ  
 المارة من المتكلمين من عدة زوايا  
 ولتخرج بنا الى الميدان ثم تعود  
 بنا الى وجه فتحي الجالس في  
 المكتبة في حالة توتر مكظوم ينتظر  
 الانفجار

تدخل موجة من البخور الدكان  
 .. ويفسرق الدكان في الدخان  
 الازرق الكثيف  
 يشعر فتحي انه على وشك  
 الاختناق  
 يسعل بشدة حتى تنفزع روق  
 رقبته  
 ينفجر نائرا

يظهر المجذوب الشيخ برهان  
 على الباب  
 المجذوب  
 فتحي  
 المجذوب

— الصلاة وجبت يا سيدنا  
 مستنى ايه  
 — الحكاية حا تقضى باذن الله ..  
 بس الكلمتين اللي قلت لك  
 عليهم .. طاوعنى .. توكل  
 على الله واقـراهم وخط  
 الحجاب تحت راسك بالليل  
 — مش مهم يا سيدى .. هات  
 اللي فيه القسمة .. القليل  
 يرضينا

— مدد يا حسين مدد  
 — بخـور من مكة .. من بلد  
 الرسول ..

— يا ولاد الكلب .. يا مخابيل  
 .. يا مهايل

— وابه كمان  
 — يا بهاييم  
 — نشكر



فتحى

بتكتبوا أحجبة عشان تداووا  
الأمراض . . . ده انتوا  
الأمراض

المجذوب  
فتحى

وايه الدوا يا عبد الصمد  
ندبحكم هنا في الميدان . .  
ونعاق روسكم ع الدكاكين . .  
والله او كان الحكم بايدي  
كنت عمات مذبحه زى مذبحه  
الممالك وخلصت عليكم واحد  
واحد .

المجذوب  
فتحى

الحمد لله  
على ايه  
« على نعمة البهايم »  
احنا بهائم وانتو وحوش . .  
احنا بناكل برسيم  
وانتو بتاكلو بعض . .  
ربنا يديم علينا نعمة البهايم  
يا سيدى . . احشرنا مع  
البهايم يارب

يقبل يده ظهرا لبطن هاتفا . .  
المجذوب

يظهر الشيخ يحيى على باب  
الدكان نظيف معطر في بدلة بيضاء  
انيقة

فتحى يقوم مسارعا الى لقائه  
فتحى

شيخ يحيى

أهلا شيخ يحيى . . جيت في  
وقتك  
انت كلمتنى كام مرة في البيت  
ما كنتش موجود  
فعلا . . الحقيقة انت واحشنى  
جدا وعاوز اشوفك . .

فتحى

الشيخ يحيى يلتفت الى الشيخ  
برهان

ايه يا عم الشيخ برهان . .  
ايه جابك هنا  
جانبى الهوى

نتحى يجبر برهان من ثوبه  
يضمه في وسط الدكان . .  
ويقدمه ساخرا وكأنه دلال يقدم  
بضاعة  
فتحى

الشيخ برهان المجذوب  
لا معقول صنع مصر  
بضاعة محلية عربية مصرية  
مائة بالمائة  
عليها ختم السيد البدوى  
وضمانة وزارة الاوقاف لمائة  
سنة قدام

فتحى ( يشاور على ما يجرى  
امامه في الميدان )

الشيخ برهان

اسواق للنخاسة يتفرج فيها  
السياح على العقل وهو يباع  
بيعا علنيا مشروعا مرخصا . .  
بقى بالذمة مش اصول نجوع  
المهاويل دول ونعمل لهم مذبحه  
ونعاق روسهم في الميدان  
( يهزه ) انت مفيش في مخك  
الا الدبح . . الدبح . . مفيش  
عندكو الا الدبح . . الدبح . .  
هو الغل اللي جواكو ده مش  
حا يهدى ابدأ الدملى اللي ف  
قلبك مفيش حد حا يفقعوا  
وبتسأل عن جهنم ! ! ؟  
( يهزه ) بص شوف قلبك  
تلقى جهنم الحمر . . فاعد  
تاكل في نفسك وتجز على  
سنانك وتعرض على شفائك  
يا حفيظ . . مش خايف  
خايف من ايه يا راجل يا هبل  
يا اهل  
يوم ما تموت وتقلع الجتة دى

فتحى

الدرويش



وتبقى لوحدك مع النار اللى  
جواك اللى بتاكل فيك  
دى العجته دى ربنا حطها  
عليك ستر وغطا عشان يخبى  
عليك نورك ونارك  
دى النار حق يا بنى  
النار حق يا بنى .. واللى  
قايد فى قلبك هى النار اللى  
حآ تطلع عليها يوم ما تموت  
وينكشف عنك الغطا

النار هنا هوء ( يشاور له  
على قلبه )  
هنا هوه

يوم ما تغلق البدلة دى ( يشير  
له على جسده ) حاتبقى انت  
والنار حته واحده  
أو انت والنور حته واحده  
اذا كنت لحقت نفسك وطهرتها  
من الغل فى الدنيا  
وكل واحد ووعدده .. وكل  
واحد وسعدده

يا شيخ يا مخلول مفيش هنا  
نار ولا جنة .. فيه هنا  
البطين الايسر

( ينفجر ضاحكا ) البط ..  
البطين الايسر .. ها .. بين  
قال لك الكلام ده

العلم .. المدارس .. الطب  
.. الحضارة ..  
الحضارة

( ضاحكا ) والا الفـراخ  
البدارى

يبكى ..  
وتنهل من عينيه الدموع غزيرة  
.. ويغمغم وهو يرتجف

فتحى

الشيخ برهان

فتحى

الشيخ برهان

ادبح ... ادبح ...  
ادبح ... ادبح ...  
ادبح اخوك وكل أبوك واتعشى  
باللى يحبوك

الحضارة والفراخ البدارى ..  
الفراخ البدارى .. تدبج  
وتاكل وتمرمش .. يا لفراخ  
الحضارة

سمعناهم .. ماسمعوش ..  
فهمناهم .. ما فهموش ..

يا خسارة .. يا خسارة ..  
( للشيخ يحيى ) بقى بالذمة  
مش حاجة تجنن  
يضع يده على اذنيه ( دى  
روشة

الدراويش المخابيل دول  
حايروشونى  
( يضحك فى طلاقة )

عيبك انك دايم بتجمع فى  
أحكامك ..

عاوز تجمع كل دواويش  
الحسين وتشنقهم مع ان  
مفيش كتاب زى التانى ولا  
راجل زى التانى

وفيه عندك ادنى شك ان كل  
الكتب دى تستاهل الحرق

اطلاقا مش كلها ..  
بعضها صحيح يستاهل  
الحرق انا معاك

ياخذ كتابا ويضعه على رأسه  
كأنه قفص فراخ وينادى

يخرج الى الشارع وهو ينظر  
الى السماء هاتفا

يعود الى البكاء .. وتنهمل من  
عينيه الدموع ويتعد .. ليختلط  
بضجيج الميدان وزحامه ..  
فتحى

الشيخ يحيى

فتحى

الشيخ يحيى



لكن بعضها درر .. زى كتب  
الغزالي وابن عربي وابن عطا  
الله والجيلي والنفري .. كتب  
مترجمة لجميع اللغات ..  
وتلاقيها في جميع دور الكتب  
العالمية

— باعتبارها انتيكات  
— ابدأ .. باعتبارها قمم ..  
— انت قريتها ؟ !!  
— طبعاً لا  
— طيب ازاي تحكم عليها  
هي دي برده الموضوعية ..  
والنظرة العلمية اللي بتنادى  
بيها ده انت اجن م الناس  
دول

ما هو المصيبة ان الماركسية  
بتاعتكو لها دراويش هي كمان  
بس الدرويش بتاعكو بدال  
ما يقول حي .. قيوم ..  
بيقول .. برجسوازية  
صراع طبقي .. بروتاريا ..  
خونة .. اعداء الشعب ..  
وبدال مايشيل مقرعة بيشيل  
كلبش ويمشي يعتقل في الناس  
.. الخونة اعداء الشعب  
— طبعاً .. ده حا يكون كلام

— واحد يميني عنيد زيك  
— سيبك من حكمة اشارات  
المرور ويميني وشمالى اتلى  
انتو بتضحكوا بيها ع الناس  
.. وتعالى نسمى الاشياء  
باسمائها .. اذا كان اليسار  
بتاعكو ان الواحد يصادر كتاب

فتحى  
الشيخ يحيى

فتحى  
يحيى

ننحى

يحيى

من غير ما يقراه وانه يحكم  
على الدين من خلال مجازيب  
المولدوانه يجعل من اى خلاف  
في الراى خيانة عظمى ..  
يبقى اليسار بتاعكو جمود  
وتخلف ورجعية وافيون ..  
انت يوم ما تتعاطى الفكر  
وتمارسه بالاسلوب العمياني  
يبقى انت اللي بتاكل افيون  
مش احنا .. يبقى انت  
صدقت ان ف ايدك مفتاح  
الجنة اللي حا يفتح كل باب  
في الوقت اللي مفيش في ايدك  
حاجة .. غير كلام فارغ ..  
إنا اتهمك بانك بتاكل افيون  
بقى الشيوعية بنت الصين  
— بالافيون

— الصين غير مصر وما يصلح  
للصين لا يصلح لمصر ..  
والمبداىء لا تقبل  
التصدير أو الاستيراد  
كل ارض بتفرز مبادئها ..  
المبادئ زي النباتات .. كل  
نبات له اوان ومكان وتربة  
مناسبة .. هل تقدر تزرع  
الصبار في القطب الشمالى ..  
الانسان الصينى غير الانسان  
المصرى وانت غير ماوتسى  
تواج .. واو حاولت تقلد  
حاتنتهى الى المسخ ..  
— يعنى مفيش فايده يعنى مش  
حانقدر نتطور ..

فتحى يضحك في تشنج  
فتحى

يحيى

فتحى



— ابدأ . . لا بد من التطور . .  
لكن تبتدى من قديمك من  
تراثك . . لان تراثك هو  
ذاتك واذا اهدرت ذاتك  
انتهيت

يحيى

— اعمل لى برنامج . . انا عاوز  
برامج مش عاوز دش كلام  
— انا باحس ان اللى ناقصنا هو  
العلم والتكنولوجيا كلمتين  
اتنين وان الحل هو تحصيلهم  
بأى سبيل . . اما المبادئ  
فاحنا مش محتاجين لمبادئ  
احنا هنا ارض الاديان اللى  
علمت الدنيا الحب والعدل  
والكرامة احنا مش ناقصين  
حد يعلمنا الحرية والاخاء  
والمحبة والانسانية . . افتح  
القرآن تلاقى المبادئ دى  
موجودة على ارفع مستوى .

فتحى

يحيى

— هل هى دعوة للدروشة  
— لا انا ضد الدروشة ورأى  
ان الدروشة غير الدين  
ومقاومة الدروشة من حثك  
— ( متنفسا الصعداء ) أخيرا  
قلت كلمة لها معنى

فتحى

الشيخ يحيى

نتحى

— لكن بدون قتل وبدون دبح  
وبدون كبج وبدون سجن  
واذا جاني درويش وقال لى  
انا عندي علم اسمع منه بكل  
ودانى . . لا اصادر على  
انسان بدون سماع حجته

الشيخ يحيى

— وتسجننى والا تسمع حجتى  
— انا بالفعل باسمع حجتك

فتحى

يحيى

ولا اخطر ببالى ان اسجنك . .  
ولكن اذا شهرت فى وجهى  
المسدس . . تبقى انت البادى  
. . وتبقى انت اللى اهدرت  
دمك بنفسك

فتحى

يحيى

— هل هى معركة  
— اذا اردتها معركة حادخلها  
معركة . . واعدائنا عايزينا  
احنا الاتنين نقع فى الغلطة  
دى . .

فتحى

يحيى

— واذا اردتها حوار فانت اخويا  
وحبيبي . . وانا استمع لك  
بالقلب والعقل والروح  
— وتفكر ايه المصير اللى احنا  
رايحين له

— انا بحس ان احنا واقفين على  
حافة هاوية حفرها لنا الاعداء  
الكبار عشان ننتحر فيها  
باسم صراع اليمين واليسار  
وصراع الطبقات . . صراع  
الطبقات اللى هم صنعوه  
واشعاهوه وكل ما يهدأ يولعوا  
فيه . . ويدعوا انه من صنع  
التاريخ . .

— احنا فى شرك مكيدة هائلة  
وممكن نهلك تماما ونصفي  
بعض فى صراعات لا مجدوية  
وآدى انت شفت اللى حصل  
فى لبنان

فتحى

— يعنى مفيش قضية اسمها  
اليمين واليسار



فيه قضية واحدة مستمرة  
اسمها الاستعمار اللى رفع  
شعارات جديدة واتخذ  
ذرائع جديدة يتوسل بها  
للتفكيك والتفتيت .. وصراع  
اليمن واليسار هي الذريعة  
اللى وجدها جاهزة قدامه  
يفتتنا ويفككنا ويضربنا بعضنا  
ببعض باسم صراع الطبقات  
لغاية ما تبقى مسحوق لا خطر  
منه .

ده استعمار جديد ذكى مكار  
.. وانت وغيرك مخالفه من  
غير ما تدرى واسرائيل  
مستفيدة في جميع الحالات  
باعتبارها الوارث اللى قاعد  
مستنى موت المنطقة كلها  
عشان يحط ايده ع التركة  
فوق لنفسك وتعالى حط  
ايدك في ايدى نروح نتعشى  
بيهم قبل ما يتغدوا بينا  
انا اخوك وابن بلدك وصفيك  
وخليلك **وحبيبك**  
انا اقرب لك والا كارل ماركس  
انا اللى بادعو الى تحالفت  
الطبقات والا هو اللى بيدعو  
الى صراع الطبقات  
انا اللى بنادى بالمحبة  
والا هو اللى بينادى بالقتل  
فكر معايا شوية  
حاول تعيد نظر

الشيخ برهان يعبر الكادر  
ما زال يضع الكتاب على رأسه  
كانه قفص فراخ وينادى بصوت  
مرتفع

اختفاء تدريجى للمنظر  
داخلى بعد الظهر  
في بيت عبد المقصود  
فتحى ممددا على سريره شاردا  
ساهما  
يتأمل السقف  
غارق في التفكير  
يمسح على جبهته  
يمد يده تحت الوسادة  
فيستخرج الصندوق الزجاجي  
الصغير الذي به الفراشة الملونة  
.. التي أهدتها له هدى ..  
لقطة مكبرة للجناحين  
زوم -  
تقترب الكاميرا في تكبير متواصل  
للجناحين  
نرى الجناحان يزدادان في  
الحجم حتى يملان معظم الشاشة  
موسيقى ناعمة في الخلفية ..  
صدى صوت لكلمات هدى

الحضارة .. الحضارة ..  
والفراخ البدارى  
الفراخ الحضارة  
ادبح .. ادبح  
ادبح اخوك وكل أبوك واتعشى  
باللى يحبوك  
الفراخ الحضارة  
تدبح وتاكل وتمرمش بالفراخ  
البدارى

— حاول تقرا الكلام المكتوب على  
جناحها  
مكتوب عليه جواب من ربنا



لكل عين بتشوف

موسيقى  
 نراه يميل على الفراشة في حنان  
 ويقبلها  
 اختفاء تدريجي  
 داخل عصر  
 في المجلة التي يعمل بها فتحي  
 فتحي أمام التليفون .. ينظر  
 الى قرص التليفون باسم شاردا  
 يتردد لحظة .. ثم يدير القرص  
 ويضغط السماعة على اذنه  
 متلهفا  
 نسمع الحديث من طرف  
 واحد

— هدى مساء الخير .. انا  
 فتحى .. ازيك .. وازى

بابا  
 وحشتيني  
 خالتي ؟  
 مش تمام  
 لا

لسه ما آمنتش  
 محتاج لحصة اضافي  
 الفراشة؟؟

قعدت أبص فيها طول الليل  
 افكرتك  
 لا

مكتوب ع الجناح  
 ماعرفتش اقرا الكلام اللي  
 مكتوب علي الجناح  
 دي حكاية عاوزه مساعدة  
 منك

هدى  
 أنا عاوز اشوفك ضروري  
 دلوقت

ولو عشر دقائق  
 متضايق اوى ..  
 وحاسس اني وحيد  
 وان الدنيا مافيهاش قلب  
 واحد يحس بي وان السما  
 حاتنبد فوق دماغى  
 ارجوكى  
 حالا  
 فورا

يضع السماعة وقد تحول الى  
 انسان مجنح يكاد يطير وهبو  
 يتحول يتحرك كالسهم  
 قطع كازينو على النيل قبل  
 الغروب

فتحى وهدى على مائدة  
 الكاميرا تنزل من الوجهين الى  
 اليدين المتشابكين على المائدة  
 زقزقة عصافير .. وموسيقى  
 ناعمة

فتحى

— انا حاسس انى بقالى ثلاثين  
 سنة مسافر .. وانى اخيرا  
 وقفت على محطة ..

— عشان تغير الخط  
 مش عارف .. لكن حاسس

— انى عاوز انام استريح ..

— مش عاوز اصحى .. مش

— عاوز أفكر .. حاسس انى

— تعبان .. تعبان .. من طول

— التجوال .. عاوز احط

— الرحال واستريح ..

— ازى باباك

— ( يبدو كمن صحا فجأة من  
 النوم وتتغير نبرته ) بابا ..

هدى

فتحى

هدى

فتحى



تصوري انهم نقلوه على عنبر  
 المجانين الخطرين بيقولوا انه  
 ضرب واحد عوره  
 ما اكد بش عليكى .. انا ارتحت  
 لما سمعت الخبر .. وعاوز  
 اشوفه من يومها .. لكن هم  
 مانعين زيارته ..  
 اخيرا ابويا عقل .. وبطل  
 يطلب الرحمة لمن لا يرحم ..  
 وبقى يضرب ويقتل زى كل  
 الناس

— مش معقول  
 — مش معقول نطلب الرحمة  
 لمن لا يرحم  
 ده يبقى خلل فى النظام  
 لازم نقتل اللي ما يرحم  
 لازم الحق يكون شرس وله  
 انياب عشان يسحق الباطل  
 تعرف يا فتحي .. انا ساعات  
 باحس انك غريب .. وان  
 العنف فى طبيعتك .. وانك  
 بتستريح للعنف ..  
 — ابوكى بيسميه الغل ..  
 — جايز  
 — وبيسميه الدملى اللي جوانا  
 اللي عاوز حد يققعه  
 — ( ضاحكة ) وانا حافقك  
 — ازاي  
 — ( حائرة ) مش عارفه  
 — دى حكاية تلزمها ادوات  
 جراحية  
 — وتعوز بنج  
 — وتخدير كلى

هدى  
 فتحي  
 هدى  
 فتحي  
 هدى  
 فتحي  
 هدى  
 فتحي  
 هدى  
 فتحي  
 هدى  
 فتحي

يحتضن يدها ويرفعها الى فمه  
 ويغمرها بقبلاته  
 هدى

— ( تجذب يدها برفق ) حاسب  
 .. لسه ماجاش وقت العملية  
 انت ناسى ان الاول لازم نعمل  
 تعقيم  
 لازم اعقمك الاول  
 ادخلك اتوكلاف بيغلى  
 حمام بخار  
 اطهرك ..

— بايه .. بالسبرتو .. انا  
 ما عنديش مانع اطلب ويسكى  
 فورا .. او فودكا فيها ٩٠٪  
 سبرتو .. ( يصفق بيده )  
 قزازة ويسكى يا جدع  
 — ( تمسك يده ) ايه انت  
 اجننت

— ( ضاحكا ) عشان نبتدى  
 التطهير ونخلص  
 — انا عاوز اطهر قلبك ( تضع  
 يدها على صدره ) اطهر مخك  
 ( تشير الى راسه )  
 اطهر ملتك .. ملعون ابوملتك  
 ( تضحك )

— ( ضاحكا ) ابوه كده خدى  
 راحتك  
 خدى الدورق ده كمان  
 افقشيه على دماغى وفشى  
 غلك

— غلى !!! ؟ .. انا ما عنديش  
 غل

— نعلن الحرب

يفرق الاتنين فى الضحك المرح  
 فتحي

هدى

فتحي

فتحي  
 هدى  
 فتحي  
 هدى  
 يفرق الاتنين فى الضحك المرح  
 فتحي  
 هدى  
 فتحي



هدى

الحرب .. انا عمرى ماكان  
فيه بينى وبينك حرب ..  
( حالمة ) عمر ما كان فيه  
بينى وبينك الا .. الحب

تتشابك أيديهما ..  
وتتعانق أناملهما  
وتهيم عينا كل منهما بعينا  
الآخر  
زقزقة عصافير  
موسيقى رقيقة  
تداخل  
عصافير بين الاغصان  
عصفورتان تضع كل منهما  
منقارها في الاخرى في قبلات  
مجنحة راقصة لطيفة  
قطع على مكتب الشيخ يحيى  
في دار الكتب  
نراه يلتقط كتاب جديد من  
خانة امامه على المكتب مليئة  
بالكتب ثم يلقيه ليلقفه فتحى بين  
يديه

الشيخ يحيى

فتحى

الشيخ يحيى

فتحى

يحيى

آخر كتاب طلعتنه مطابعكم  
ترجمة بيروت  
( يقرأ العنوان على الكتاب )  
في البدء كانت المادة  
الآية الاولى في القـــــرآه  
بتاعكو  
ودى فيها ايه كمان .. اظن  
مفيش حد حا يختلف معنا  
في الموضوع ده ..  
نفسى أسأل مين كان موجود  
يوم بدء فكون عشان يدعى  
ان شهادته في الموضوع ده

علمية .. مفيش حد ولا اى  
واحد من الحزب .. ولا اى  
بنى آدم .. يعنى ببساطة  
ده تخمين وشطح ورجم  
بالغيب فى الوقت اللي انتو  
بتنكروا علينا الكلام فى  
الضبيبات .. وكلام غير علمى  
فى الوقت اللي انتو بتدعوا  
فيه العلمية .. ثم ايه هى  
المادة اللي انتو بتتكلموا  
عنها ..

المادة هى المادة

احنا ما نعرفش فى الواقع  
الا مواد معينة .. النحاس ..  
الحديد .. الكبريت ..  
الزبيق .. الخشب .. التراب  
الخ ..

انت قصدكو اى مادة ؟ ؟ !  
احنا قصدنا المادة على وجه  
الاطلاق

المادة المطلقة مالهاش وجود  
فى الطبيعة .. المادة المطلقة  
تجريد ذهنى .. وانتو  
بتقولوا انكو ضد التجريد ..  
شفت قد ايه انتو واقعين فى  
التناقض والخلط من اول  
آية ..

( ضاحكا ) اول القصيدة  
كفر

( فى غيظ ) انت لازم تقرا  
الفكر المادى الجدى كله  
قبل ما تفتى فى المسائل  
دى ..

فتحى  
الشيخ يحيى

فتحى

الشيخ يحيى

فتحى



الشيخ يحيى

-- قرينته .. وقرينته في مراجعه  
الاصيلة مش المنشورات  
الهلس اللي بتوزعوها  
لو كنت قرينته ما كنتش قلت  
الكلام الفارغ اللي بتقوله  
حانرجع نشتم

فتحي

الشيخ يحيى

فتحي ( يتصيب عسرقا من  
الفيظ )

الشيخ يحيى ( ضاحكا )

فتحي

الشيخ يحيى

-- انا مش حاشتم .. لسكن  
حاقول ان دي تفاهة .. مش  
مناقشة علمية  
طيب روق ولا يهملك ..  
وتعمال بينا نشرب اتنين  
شاي نصلح بيهم دماغنا من  
التفاهة دي  
( يصفق طالبا الفراش ) اتنين  
شاي يا محفوظ قوام ..  
( يذرع الغرفة في عصبية )  
انا مش عايز شاي ولا حاجة  
طب .. هدى اعصابك بس  
.. واقعد استريح  
شاي .. القضية عندك  
أزمة ... مش قضية  
علمية .. حالة عصبية مش  
نقاش موضوعي ...  
تعرف يا فتحي .. انا  
بحبك ..  
وما تتصورش قد ايه  
بحبك ..  
في النهاية الازمة اللي انت  
فيها دليل على انك مش  
مرتاح .  
المعانة اللي بتعانيها دليل على  
على انك انسان شريف ..

وان فيك الجانب الطيب اللي  
بيصارع عشان يلاقيه  
مكان ..  
انا اعتذر اذا كنت قلت كلمة  
ضايقتك  
واعتبر كل كلامي مجرد دعوة  
الى تفكير .. دعوة من محب  
وفي النهاية جايز اكسون  
غلطان .. مين عارف  
( وقد جلس اخيرا في كرسي  
الى جوار الشيخ يحيى )  
مؤكد انت غلطان

فتحي

الشيخ يحيى يربت على كتفي  
فتحي .. ويحيطه بذراعه .. في  
في حنان اخوى ويتأمل وجهه  
الموتور الملامح في حب واشفاق  
اختفاء تدريجي للمنظر  
داخلي نهار مستشفى المجازيب  
فتحسى يمشى مسرعا الى  
الكوريدور  
يصل الى باب مفتوح مكتوب  
عليه « استعلامات »  
يدخل الى موظف جالس على  
مكتب وتليفون بين اتنين من  
التمورجية  
فتحي

الموظف

فتحي

-- من فضلك انا عاوز أزور  
المريض عبد المقصود المهدي  
-- ما أنت سألتني قبل كده  
وقلت لك ان زيارته ممنوعة  
وانهم نقلوه عنبر المجازيب  
الخطرين  
-- انا بارجوك .. ده رجاء ..  
ده انا ابنه



الموظف

— انا عارف ان انت ابنه . .  
لكن تأكد ان احنا ما نعينك  
لسلامتك ومصحتك . .

فتحى  
الموظف

— انا حا تحمل المسؤولية  
— انت بتقول الكلام ده دلوقت  
انما يوم واحد من المجانيين ما  
يدب صابعه في عينك ويخرقها  
. . ساعتها حا تعتبرنا احنا  
المسؤولين . .

فتحى  
الموظف

— انا حاخد بالي من نفسي  
— يا بك انت مش عارف ايه  
بيحصل في عنبر المجانيين  
الخطرين . .

فتحى  
الموظف

— ده الدكتور ما يقدرش يخش  
من غير حراسة  
ارجوك

— برده مش عايز تفهم . .  
يا سيدي ده امر مش في  
سلطتي . . ولا في امكاني . .  
انا متأسف

فتحى

— ( وقد اسقط في يده ) الامر  
لله . .

يستدير خارجا  
ثم يبدأ في العودة في خطوات  
بطيئة مخترقا الكوريدور  
نرى احد التمورجية يخرج  
خلفه

يلحق به  
التمورجي

— ( في همس ) انت عاوز تزور  
ابوك

فتحى  
التمورجي

— ارجوك . . انا ف عرضك  
— ( يضع اصبعه على فمه )  
هس . . ما تقولش لحد . .

تعالى ورايا

لقطات سريعة متعددة عن  
الاثنين وهما يخترقان دهاليز . .  
ويصعدان درجات وينهبان  
درجات ويركبان مصعدا ويدخلان  
من ابواب عديدة . . ليصلا في  
النهاية الى باب العنبر  
التمورجي

فتحى

ثم يختفى في العنبر

قطع

داخل العنبر

العنبر اشبه بزنازة كبيرة

فتحى يتلفت حوله فلا يجد

اباه في العنبر

يقترب من احد المجانيين يسأله

فتحى

المجنون

يشعر فتحى بالاطمئنان لما في  
كلمات الرجل من هدوء وتعقل . .  
يجلس الى جواره على السرير . .  
يدور حديث هادىء

المجنون

فتحى يتأمل الرجل الهادىء  
الذى لا يبدو عليه أى عارض من  
عوارض الجنون

— خمس دقائق مفيش غيرهم . .  
— انا حاستناك ع الباب . .  
— انت شفت اللي بيعملوه  
( يدس في يده الممدودة جنيه )  
حاضر

— عبد المقصود المهدي هنا في  
العنبر . .  
— ( يجيب في عقل وهدوء )  
ايوه بافندم . . بس راح يعمل  
كهربا وجاى حالا . . اتفضل

— انت حضرتك ابنه

— ايوه انا ابنه



فتحى  
المجنون

انت هنا من كثير  
( في هدوء ) بقالى شهر وعشرة  
ايام .. وقبل كده كنت مدرس  
علم نفس فى جامعة القاهرة  
علم نفس !! ؟

فتحى  
المجنون

ايوه هو باب النجار مخلع ..  
( ضاحكا ) الواحد بيدى  
الناس دروس فى علم النفس  
والآخر يطلع مش فاهم  
نفسه ..

فتحى

( فى دهشة لكلام الرجل  
العاقل ) الحقيقة .. يتهيأى  
ان مفيش فى الدنيا حد فهم  
نفسه .. النفس دى لغز ..  
انا رايبى ان احنا كلنا عقد ..  
وان مفيش حد طبيعى وان  
فرويد نفسه اللي بندرسه  
للناس هو كما آخر عقد

المجنون

انا رايبى كده انا كمان ..  
الغريبة انك بتتكلم كلام ناس  
عاقلين .. مش فاهم ازاي  
حاطينك هنا ..

فتحى

( ضاحكا ) خطأ مطبعى ..  
( فى ابتسامه ) تأكد نص  
الناس لو اتفحصوا بامانة  
يتحطوا هنا معنا .. وكم من  
عاقل ماشى فى السكة على انه  
عاقل وهو مجنون لم يكتشف  
بعد

المجنون

يعنى هتلر ده كان راجل  
عاقل

فتحى  
المجنون

انا رايبى انه كان مجنون  
ومع كده اربعين مليون المانى

مشيوا وراه على انه العاقل  
الامثل وصدقوه واحترموه  
وعبدوه وضربوا له سلام  
فعلا .. والآخر بعد عشرين  
مليون قتيلى اكتشفوا انه  
مجنون .. انت فيلسوف  
يا استاذ

عوض ابراهيم

اهلا وسهلا يا استاذ  
عوض ابراهيم ( يشد على  
يده معجبا ) انا حاكتب عنك  
مقال  
متشكرين

فتحى

المجنون  
فتحى

يرمقه بنظرة جانبية من عينيه  
.. وتلمع فى نظرتة لبرهة قصيرة  
لمعة جنون لا يلحظها فتحى ..

المجنون يقوم

فتحى

يذهب المجنون الى المجنون  
الثانى فى العنبر يميل عليه ونسمع  
حوارا هامسا

المجنون الثانى

المجنون الاول

المجنون الثانى

المجنون الاول

يسلمه شيئا فى الخفاء فيضعه  
بسرعة فى داخل قبضة يده ويعود  
وقد رسم ابتسامه عريضة على  
وجهه

المجنون

( مستأذنا ) عن اذنك لحظة  
اتفضل

هو

ايوه هو المخابرات بعينه

ومستنى ايه

ادينى المدفع

النفس دى زى الذرة مش  
ممكن تفهمها الا اذا فلقتهازى  
الذرة



فتحى  
المجنون

--- ازاي  
 --- بالتحليل .. بالصدمة ..  
 --- بالضرب  
 --- ( متعجبا ) بالضرب !! ؟  
 --- ( ضاحكا ) زمان كانوا بيعالجوا  
 المجانين بالضرب .. كان  
 عندهم مفتاح حديد كبير  
 ينزلوا بيه على المجنون ضرب  
 لغاية ما يعقل .. لكن انا  
 عندي نظرية جديدة

فتحى  
المجنون

--- ايه يا ترى  
 --- انا بقول ان العقل في الدماغ  
 وعشان نوصل للي جوه العقل  
 لازم نكسر الدماغ .. يعنى  
 واحد مخبرات لثيم زيك  
 عشان نعرف اللي جوه  
 دماغك لازم نكسره كده هو

فتحى  
المجنون

وفي سرعة شديدة لا تدع  
 لفتحى فرصة في النجاة بنفسه  
 ينقض المجنون ليضرب فتحى ضربة  
 واحدة على راسه بقطعة الحديد  
 التي يخبئها في يده .. فيصرخ  
 فتحى صرخة واحدة .. ويقع  
 مفشيا عليه

نرى عددا من التمورجية  
 يندفعون الى الغرفة عند سماع  
 الصرخة يسرعون الى فتحى  
 محاولين افاقته .. بينما البعض  
 الآخر يهجم على المجنون لينتزع  
 منه قطعة الحديد والمجنون

يصرخ  
المجنون

--- وعاوز تكتب عنى مقاله كمان  
 مش مكفيك عشر سنين بتكتب

في بلاغات للبوليس .. الحمد  
 لله ارتحت منك ..

التمورجية يضربونه ويكتفونه  
 ويلقون به على فراشه  
 اثنين من التمورجية يحملان  
 فتحى الى خارج العنبر في  
 سرعة  
 قطع على غرفة العيادة في  
 المستشفى

الدكتور يفحص فتحى ..  
 يفحص جرح الدماغ الذي مازال  
 يسيل منه الدم يفتح جفون عينيه  
 ويطلق شعاع بطارية صغير في  
 داخل العين .. يختبر استجابة  
 الاعصاب بمطرقة .. يشك  
 الاطراف بدبوس يضع السماعه  
 على الصدر  
 الدكتور

--- حالة ارتجاج في المخ .. وجايز  
 يكون فيه شرخ في الجمجمة  
 .. لازم يتنقل لمستشفى  
 مدنى ويتحط في سرير  
 للملاحظة

شوفيه مين من البطاقية  
 الشخصية اللي ف جيبه وحاولي  
 تتصلي بأهله فوراً  
 واعملى له رباط ضاغط للرأس  
 حالا

قطع على غرفة نظيفة في  
 مستشفى خاص داخلى نهار  
 فتحى على سرير ما زال فاقد  
 وعيه والدكتور يفحصه وحوله



أمة زينب وهدى والشيخ يحيى  
أمة وجهها مغطى بالدموع وهى  
تاظم خديها  
الدكتور

— اطمئنى يا ستى دى حالة  
ارتجاج فى المخ .. وحافوق  
بعد شويه

— ( فى قلق ) ده بقاله خمس  
ساعات يا دكتور

— معلش أصل الضربة جت  
جامدة شوية ..

— افكر لازم حاجتاج لصورة  
اشعة

— ضرورى .. حانعملها له  
بكره ..

— تفكر فيه كسر فى الدماغ  
يا دكتور

— ما تقدرش نجزم دلوقت بدون  
الصورة .. لكن ع العموم

— املنا فى الله كبير .. انت  
والده

— انا فى مقام والده .. وهو اعز  
على من ابنى

— باذن الله حاتطلع سليمة  
يا رب

— فتحى .. فتحى .. فتحى

هدى  
الدكتور

الشيخ يحيى  
الدكتور

الشيخ يحيى ياخذ الدكتور  
بعيدا ويهمس اليه  
الدكتور

يحيى  
الدكتور

يحيى  
ترى هدى تميل على فتحى  
وتناديه برقة ..  
ولكنه لا يجيب  
قطع على نفس الغرفة داخلى  
نهار

والشمس تدخل من الشباك  
وتفرش على الارض والسرير  
والعصافير تزقزق وتتطاير على  
فروع اللبلاب المتدلية من الشباك

وفتحى قد افاق ولكنه يبدو عليه  
الاعياء والالام الشديد .. وبجواره  
هدى تمسك بيده  
هدى

فتحى  
هدى  
فتحى

هدى

فتحى

يضع يده على رأسه يضغط  
عليها .. يتأوه  
هدى تميل عليه فى حنان

فتحى

تنزل الدموع من عينيه الما ..  
تخرج مسرعة  
قطع فى غرفة الدكتور  
هدى

الدكتور يشير الى خطوط فى  
صورة الاشعة المعلقة على المصباح  
امامه

— انت جننتنا .. ايه اللي  
جرالك ..  
— مش عارف ..  
— هو ضربك بايه  
— بصامولة حديد الظاهر خلعتها  
من الحنفية ..  
— وانت مجنون تعمل فى نفسك  
كده .. وايه اللي دخلك العنبر  
مش قالوا لك انه عنبر  
المجانين الخطرين ..  
— كنت عاوز أشوف ابويا

— آه .. آه .. آه .. آه ..  
مالك  
— صداع .. صداع .. صداع  
اليم .. حاسس ان طواحين  
بتطحن دماغى .. منشار  
بيقطع وشى نصين  
— انا حاروح اجيب لك الدكتور

— ( الدكتور ) فتحى بيعيط م  
الصداع يا دكتور .. شوف  
له مسكن او حقنة او اى  
اسعاف سريع .. مش معقول  
حانسيبه كده

— الصورة طلع فيها شرح فى  
الجمجمة .. وحاجتاج



هدى  
الدكتور

لجراحة ..  
 — وبعدين  
 — الصداع سببه جلطة دموية  
 كبيرة بتضغط على المخ ..  
 وانسكاب دموى مستمر من  
 الشرايين الممزقة .. ولازم  
 نفتح المخ ونشيل الجلطة  
 — ودى عملية ضرورية يادكتور  
 — بدون العملية .. تبقى الوفاة  
 مؤكدة  
 — يا خبر ودى عملية خطر  
 يا دكتور  
 — لا بسيطة باذن الله .. ربنا  
 معانا .. وانا حاديه حقنة  
 مسكنة مؤقتا .. واطمئنى.

هدى  
الدكتور

هدى

الدكتور

قطع على الحقنة يدسها  
 الدكتور فى ذراع فتحى ووجه  
 هدى القلق يتابع تأوهات فتحى  
 فى انزعاج شديد  
 يخرج الدكتور  
 تميل هدى على فتحى

فتحى  
هدى  
فتحى

هدى

فتحى

— ازيك دلوقتى  
 — الدكتور قال لك ايه ..  
 — قال لى انك كويس  
 — لا قالك انه حا يعمل لى  
 عملية .. ما تخبيش على ..  
 انا عارف كل حاجة  
 — ( فى محاولة للتخلص ) يعنى  
 .. عملية بسيطة ..  
 حايضف الجرح ويعمل  
 له غرزتين كده ..  
 — لا انا سمعت الكونسولتو ..  
 سمعتهم بيتكلموا انجليزى ..  
 وفهمت

هدى

— انت كمان حاتعمل نفسك  
 اخصائى جراحة .. تسمح  
 تبطل فلسفة وتقفل شفايفك  
 دول وتبطل كلام ..  
 ( تميل عليه ) اقفل نك  
 شفايفك .. واسكتك

تميل عليه بفمها حتى تلامس  
 شفتيه فى قبلة  
 فتحى  
 هدى

— لا خلاص .. سكت ..  
 — ( ضاحكة ) انا اللى قلت  
 للدكتور يفتح لك دماغك  
 عشان يشيل منها الكلام  
 الفارغ ..

فتحى يأخذ يدها ويقبلها فى  
 حب  
 فتحى

— انت فتحتى قلبى .. قبل  
 ما الدكتور يفتح لى دماغى ..  
 ( مبتسما ) انا دلوقت مدينة  
 مفتوحة ..

هدى  
فتحى

يقبل يديها ويضع يديها الامين  
 حول خديه  
 قطع داخلى نهار  
 غرفة العمليات  
 فتحى ممدود على تروالى ينزلق  
 بسرعة نحو باب غرفة العمليات  
 حركة سريعة واستعداد  
 طبيب البنج امام جهاز  
 التخدير  
 ممرضات ..  
 الجراح ومساعده وراه  
 الاقنعة

— خلاص .. سلمت سلاحك  
 — سلمت سلاحى



قطع لنرى الام زينب والشيخ يحيى وهدى ينتظرون خارج غرفة العمليات في قلق ..  
 قطع على غرفة العمليات مرة أخرى لقطات من العملية التروالي خارج وعليه فتحي بعد العملية فتحي ممدد في فراشه وحوله زينب والشيخ يحيى وهدى والدكتور الدكتور

ينصرفوا واحدا بعد آخر في قلق قطع على الام وفتحي قد افاق داخلى .. ليل زينب فتحي زينب فتحي

— الحمد لله العملية تمت بنجاح .. وانتوا اطمئنا .. هو حانام كام ساعة بعد البنج ماحدث يكلمه ولا يحاول يصحيه واحسن خدمة نعملها له اننا نسيبه يرتاح

— ازيك يا بنى دلوقت — الحمد لله راح الصداع — الحمد لله .. ربنا معنا — امال فين هدى — دى قعدت سهرانة معنا طول الليل ماروحتش الا دلوقت .. بنت اميرة .. وابوها راجل امير .. هو اللي جابك هنا .. ومارضيش يخلينى ادفع مليم .. قال لى انه عليه دين لابوك

.. وانه هو وابوك اخوات وهدى راحت مجلتك وقبضت مرتبك والمكافات بتاعتك وجابتها لى ..  
 — مكافات .. ؟ ؟ !! مكافات ايه .. انا ماليش مكافات — والنبي يا بنى جابت لى ميت جنيه — ( هامسا لنفسه ) يا سلام يا هدى — ناس طيبين يا بنى — ربنا بيحبك وبيوقف لك ولاد الحلال ربنا ما بينساش حد

فتحي

زينب

فتحي

زينب

زينب

قطع على حديقة المستشفى نهار وفتحي جالس على شيزلونج تحت خميلة لبلاب .. يكتب يتأمل بين لحظة واخرى ثم يمضى فى الكتابة بسرعة وحماس .. يكتب آخر كلمة فى المقالة ثم يضع الاوراق الى جواره .. ويسرح .. صوت خشخشة ثم نرى هدى داخله تسترق الخطى

— ضبطك .. قاعد هنا بتعمل ايه ( تلمح الاوراق ) .. بتكتب .. بتكتب ايه .. ( تلمح العنوان ) على عتبة الموت .. يا ساتر ده عنوان متشائم اوى .. فيه حد يكتب الكلام ده بين خماسيل الورد والفل والياسمين — بالعكس ده عنوان متفائل .. تعرفى ؟ ! .. فيه حاجات الواحد ما يقدرش يفهمها



الا اما يحط رجه على عتبة  
 الموت .. ساعتها الذهن  
 بيصفي ومدى الرؤية يتسع  
 والواحد منا يشوف لبعيد  
 .. لبعيد .. يشوف الحياة  
 كلها دفعة ويكتشف حكمتها  
 ( بعد لحظة صمت ) فعلا ..  
 مش ممكن تكون الحياة عبث  
 مش ممكن  
 ( وهى تجلس الى جواره  
 مسرورة مشدوهة ) لا ..  
 ده لازم الجراح شال من  
 مخك حنة كبيرة اوى  
 لا مش الجراح .. رجفة  
 الموت هى اللى فتحت عيني  
 وشالت الغشاوة الثقيلة اللى  
 كانت حاجبة عنى نور الشمس  
 ( يمسك بيدها ) اكبر قوتين  
 فى الدنيا بيصحوا الانسان عم  
 الموت والحب  
 قدام الموت الواحد بيعرف  
 الاحجام الحقيقية لكل شىء  
 وبيعرف مكانه ومقداره من  
 القوة العظيمة اللى بتحريك  
 الدنيا  
 ياه ... ده كلام يقوله واحد  
 تانى .. مش فتحى  
 يقوله كل واحد عبر جسر  
 الموت .. وعرف لحظة الحب  
 انا كان نفسى من زمان اسمع  
 منك اللغة الحلوة دى .. انا  
 مش مصدقة ودانى ..  
 ايه جرى

هدى

فتحى

هدى

ياخذ يدها بين يديه ويقبلها فى  
 حرارة  
 هدى

اللى بيجرى للمعادن لما تخش  
 النار وتطلع خالصة من كل  
 الشوائب  
 انا ابتديت احب الراجل  
 المجنون اللى كان ح يقتلك  
 ومش شرط الجراح اللى دوب  
 التلج من حياتك  
 قلبك الطيب الحنين كان اقوى  
 من مشرط الجراح وحبك هو  
 اللى دوب التلج من حياتى  
 ( يناولها الاوراق ) خليها  
 معاكى خديها المجلة  
 بعدين .. بلاش تقريها  
 دلوقتى ..  
 ايه مستعجلة ثيه  
 اجيب لك ايه معايا وانا جاية  
 بالليل .. شو كولاته ولا  
 بونبونى  
 هاتى بابا معاكى .. وحشنى  
 اوى ونفسي اشوفه

فتحى

هدى

فتحى

هدى تدفن وجهها بين كفيه  
 تقبل انامله  
 تقبل الاوراق التى كتبها  
 فتحى

هدى تحاول ان تقرأ المقالة ..  
 ولكن فتحى يطويها ويضعها فى  
 يدها ..

فتحى

هدى تضع المقالة المطوية فى  
 حقيبة يدها .. تقف متأهبة  
 للانصراف

هدى تميل على راسه وتقبل



وامام الموت وانا اخطو على هاوية الفناء ادركت انى لست  
جسدى .. لست تلك الاحشاء الملقوفة فى جراب من الجلد انما هى  
ثياب اتنكر فيها  
وانى اوشك بعد الموت ان ادخل وراء الكواليس لاخلعها ..  
وانه لا موت هناك .  
وانى على موعد مع المخرج العظيم الذى خلقنى ووضعنى على  
المسرح .....

وانى لم "كن ابدا وحدى  
وانما كان هو دائما معى  
الله .. الذى خلقنى .. وخلق كل شىء ..  
وجه هدى يضىء بفرحة الرضا وهى تقرأ الكلمات ..  
موسيقى ناعمة فى الخلفية نسمعها طوال القراءة .. وهى بعد  
القراءة تعلو الى ذروة نغمية وتظهر كلمة الختام على الشاشة تلى  
وجه هدى الباسم السعيد الذى يشع بالضوء ..

شعره ثم تسرع خارجه  
تسير متهادية بين الاشجار  
ثم تدخل ممرا تتدلى خمائل  
الورد والبنفسج على جانبيه  
تخرج المقالة من جيبها  
وتبسطها امامها وهى تسير  
متهادية فى الممر المحفوف باغصان  
الورد  
ونسمع صدى صوتها وهى تقرأ

\*\*\*



## \* مجموعات المؤلفات الكاملة \*

- ٤٢- قصص مصطفى محمود : صدرت في بيروت عام ١٩٧٢
- ٤٤- روايات مصطفى محمود : صدرت في بيروت عام ١٩٧٢
- ٤٥- مسرحيات مصطفى محمود : صدرت في بيروت عام ١٩٧٢
- ٤٦- رحلات مصطفى محمود : صدرت في بيروت عام ١٩٧٢

حازت رواية « رجل تحت الصفر » على جائزة الدولة لعام ١٩٧٠



هذا الكتاب خاص بصفحة

**Dr. Mostafa Mahmoud**

---